

五代史記注

通鑑史記序

建安陳師錫

孟子曰三代之得天下也以仁其失天下也以不仁自  
生民以來一治一亂旋相消長未有去仁而興積仁而  
亡者甚哉五代不仁之極也其禍敗之復殄滅剝喪之  
威亦其效耳夫國之所以存者以有民民之所以生者  
以有君方是時上之人以慘烈自任刑戮相高兵革不  
休夷滅構禍置君猶易吏變國若傳舍生民膏血塗草  
野骸骼暴原隰君民相眎如髦蠻草木幾何其不胥爲  
夷也逮皇天悔禍真人出寧易暴以仁轉禍以德民咸

保其首領收其族屬各正性命豈非天邪方夷夏相蹂  
兵連亂結非無忠良豪傑之士竭謀畢智以緩民之死  
乃堙沒而無聞矣否閉極而泰道升聖人作而萬物覩  
指揮中原兵不頓刃向之滔天巨猾搖毒煽禍以害斯  
人者蹈鼎鑊斧鑕之不暇豈非天邪天與人相爲表裏  
和同於無閒聖人知天之所助人之所歸國之所恃以  
爲固者仁而已非特三代然也堯舜之盛漢唐之興秦  
隋之失魏晉之亡南北之亂莫不由此也五代距今百  
有餘年故老遺俗往往垂絕無能道說者史官秉筆之  
士或文采不足以耀無窮道學不足以繼述作使五十

有餘年間廢興存亡之迹姦臣賊子之罪忠臣義士之節不傳於後世來者無所攷焉惟廬陵歐陽公慨然以自任蓋潛心累年而後成書其事迹實錄詳於舊記而褒貶義例仰師春秋由遷固而來未之有也至於論朋黨宦女忠孝兩全義子降服豈小補哉豈小補哉

五代史記序

五代史記注識語

歐陽文忠公五代史記故尙書彭文勤公爲之補注公  
嘗語鳳誥自年十九卽有志注是書隨事摭緝積有歲  
月爲史官日獲詳覽中秘爲江浙學使徧訪諸藏弄家  
舊本閱朱竹垞爲徐章仲史注序矜許甚至多方購得  
之僅帝紀十二卷且五年速成其疎畧可知朱又云年  
三十欲注是書引鍾廣漢爲助歸田檢舊橐大半壁魚  
穴鼠所齧五十年心事付之永歎嘻誠成事之難也公  
自乾隆癸卯以後總裁史館者二十年治官撰書無虛  
日間以勉鳳誥曰文章學問各有淵源吾鄉前哲朱文

端公名蘇公之名裴文達公名歐陽之名其所自待者如彼文達尤究歐陽史學以官事劇弗遑數以責予予今又劇矣願以請沐餘晷出所詮釋爲予排比而次第之吾儕幸逢

聖天子右文極盛其以今所補薛文惠五代史原文爲注歐因以存薛之本其諸書取材一以宋人爲斷又錢曉徵少詹事近寄五代時金石文宜悉香入它有未備子盍務竭心目徵据討論贊予有成冀上之

朝廷頒之學官俾五代文獻燦然可稽且以息讀史家訾詆歐陽之淺說予之尊聞於鄉前哲者亦藉是以見

予其識之

鳳詒

入翰林從公史局日復不給又連以使

事在外未卽踐言嘉慶辛酉典山左試辭公於寓園公

愀然曰子行矣以遭遇言計當留視學予寢衰疾慎毋

忘注史之約洎癸亥手書諄道茲事以謂觀成弗逮行

以全橐傾篋相付此五月之言九月

鳳詒

按魏博有持

歐史注橐售者緡訖首尾審爲竹垞手鈔所采宋元明

諸家書百餘種凡千七百六十餘條殆卽所云壁魚穴

鼠所齧者驚喜馳報不謂公之遽不及見此也更讀遺

詩留寄

鳳詒

暨胡君長齡阮君元曰少時注意歐陽史

七十三年未得成門戶雖然龕構架庭階尚乏細經營



飄零莫遣隨殘葉，欣助終當賴友生。幸有三公舊同志，  
爲予緝業定刊行。三復詩言感愴無已。甲子鳳詔還。

朝始讀公所自定諸帝家人傳至六臣傳十六卷，蓋病  
中倉卒所成，餘五十八卷，聚一巨麓，所采宋人書二百  
數十種，視竹垞實倍且專，爰謹藏之。丁卯使浙，公暇取  
文瀾閣書一一校詳，加以按掇，已巳夏排次粗竟，旋以  
事輟業。迨癸酉至京師，重事訂補，及今乙亥前後三易  
槩，迺得薈粹成書。凡朱錢采錄無不刺入，公於是書殫  
精五十餘年，而今迺得告無憾於公者，使公歸然幸存，  
當爲廬陵稱慰於七百年後，豈非莪林快事乎？惜乎公

之遽不及見此也胡就宿草阮久在封圻末由與之商  
摧謹以公貽示凡例眉列卷端復以闡明公之本意者  
綴爲例述於後嘉慶乙亥秋七月

五代史記注例

歐陽公作五代史記書法學春秋文章學司馬遷自晉書以下十六代未能或之先也後之論者每議其略於唐宋之際典章制度因革損益闕焉不詳多議作注以補之而卒無成書予以謂有注而以所取者校之所去者而後知公史法之精嚴裴松之爲陳承祚功臣豈虛語哉

一全採薛居正五代史前人注歐史無成書者以薛史久佚也薛史自金章宗朝不立學官日就散失今幸欽定四庫全書以永樂大典所收舊輯成之其中大典

原闕者十之一二而已七百年來遺籍復出今悉採不

遺一字匪惟注歐亦以存薛

本紀以年月分次薛有歐無之以事分次薛有歐無之

傳有家世者從其先歐史有名者從其人無名者或以事相比或以人品相比亦三國志注例也薛史十志附於歐史卷外大書而以它書作注例也考所及仍入歐注亦後漢書補志例也

一全採五代會要昔鄭漁仲病作史無志譏歐史者亦以二考太略考五代體制全在會要一書舊惟傳鈔訛脫之本今幸

武英殿官本槩布悉取不遺一字真足補歐未逮矣實

分注紀傳歐所已及仍入歐注歐所未及仍入薛志注

一詳採冊府元龜是書例取正史其時無歐史所引皆

薛史也故詳之

新輯薛史所無及有而其文不同者仍採之餘不復收

一詳採資治通鑑是書徵引極博不盡薛歐二史故詳

之

考異及胡身之注所引多久佚之書逐條刺入與薛歐二史文同者不復收

一所採書以宋爲斷

如陳霆唐餘紀傳吳志伊十國春秋雖有專書不行採入

一採別史

新舊兩唐書宋遼二史同列學官不行採入五代史闕文五代史補五代春秋五代史纂誤全行採入

唐鑑契丹國志隆平集東都事略九朝編年備考續通鑑長編太平治蹟統類宋朝事實類苑諸書俱採入

一採霸史

十國世家未爲詳備今幸遺籍多存如九國志五國故事三楚新錄馬令陸游兩南唐書

江表志江南野史江南別錄江南餘載江淮異人錄南唐近事續錦里耆舊傳蜀檣机吳越備史家王故事之

類詳爲採入

一採傳記小說

五代當時人所撰惟摭言北夢瑣言鈞

內所紀自數十百條至一二條悉行採入

一採輿地書

宋人輿地書如九域志輿地廣記太平寰

淳熙三山志吳郡志之類悉行刺取

一採類書

正如玉海文獻通考大如太平廣記太平御

事清異錄之類零縑斷璧皆在所取

一採文章

唐末人至五代尙存者集惟韓偓司空圖羅

採唐文粹文苑英華宋文鑑及宋一代人文集碑傳

議論但及五代者採之

金石尙存志乘所載文字採

可寶

一書名薛曰五代史歐曰五代史記各仍其名

一卷數

歐書七十四卷悉仍其舊注太浩繁者每卷分子卷如續通鑑長編之例

右彭文勤公手定五代史記注例嘉慶癸亥夏公方在告排注歐史梁家人傳至唐臣傳十六卷爲之式餘五十八卷未備生平所采宋人書二百數十種聚一巨簏手書屬鳳詒成之頻年未踐前約

丁卯使浙公暇恭檢

文瀾閣書重事審訂閱今乙亥復檢

文匯閣書加之釐正前後凡三易藁始獲次第井然繕帙麤就中唯司天職方二考十國世家年譜當時未言注法竊以鄙見就宋人可攷書詮釋其大

端於司天畧彼寫分擬數但存施行之舊於職方  
參取羣史志例詳述地里改更兼補薛史郡縣闕  
佚於年譜仿史公年表例以通鑑大目錄某國事  
繫入某年某格以副全注體裁其薛史十志續次  
爲書附焉區區渺識於史學無所闕尋亦惟兢守  
門弟子講習之素期於不負知己若夫版行傳遠  
當世所公潤色表章茲事千古又不啻成公之志  
也已受業劉鳳誥謹識



五代史記注例述

謹案史書集解肇始裴駰而顏籀敘例述意頗詳卓乎  
顓家非苟而已也茲務蒐覈本文申明體要一循補注  
原例裒著師授之源

謹案善善惡惡陽秋大法自五代名教不明梁史之文  
陰貶司空搢紳之記侈言全義歐陽史出始褒全節而  
論四維絕無班固排死節之譏先得司馬重人倫之旨  
王通謂陳壽有志於史惟歐陽最爲得之有謂詳所不  
必詳略所不當略曷不援沈約上請世祖故事爲韓通  
立傳其致憾於良史者以此今迺薈萃舊聞裨補闕漏

凡朝野事爲人士風概苟備全史之遺靡憚一辭之贊  
詳而有體冀資范氏之美譚焉

謹案左氏受經餘成外傳章懷注漢屢引東觀相輔而  
成厥有自來薛史成於開寶學者久嘗寓目新史旣行  
日趨湮沒曩蒙

高宗純皇帝表微補佚還復舊貫故得錄取全書大彰  
隆典使本末較然尋省易了讀歐史者固不嫌於疎略  
觀薛書者亦得藉此鑑裁去二短而合兩長敬本

高宗純皇帝聖意云

本紀以年月分編列傳以事類  
比附薛有歐無諸傳從祖父固

延壽南北之規見卒年亦韓愈實錄之體其餘消息下  
意一準松之薛史十志大書附歐史卷後其間事實

歐史所無者亦取他書詮  
釋劉昭注補可爲典則

謹案有唐文治最盛五代纂承終始裁五十餘年而朝廷軌物見諸會要者猶非江南西蜀所及問遺訓而諮故實蒙穀所爲獻雞次也廬陵斯事頗爲鄭樵所訾茲據

武英殿會要刊本采摭靡遺歐所涉及固可卽事引伸薛所分見亦可隨條舉證俾唐宋兩朝沿革所自中間如以枚數闕蓋卽隋志之補五代而變通其例爾

謹案冊府元龜決擇矜慎史非正史不錄時去五代未遠實錄犁然在目故其詔令敷陳多出薛書之外加以

由唐迄宋公家應用文字一皆屬對爲能紀載貴存當時文體不必如宋祁輩以單詞鳴古也今悉援據是書不厭求詳載稽通鑑多引陸贄之篇取式舊唐亦有劉昫之例

謹案宋司馬光進通鑑表自云徧閱舊史旁採小說蓋其貫穿廣博用力綦勤誠宜攬其要最以佐二史闕如又歐史年譜但標卒立其外悉沒而不說故茲檢舉目錄件繫條分雖通鑑五紀未遑盡備而大事幾於備矣馬遷年表固前事之師也考異去取謹嚴最爲有意今多舉此以詰羣言至於後學淺識時有異同輒亦隨事

附論非求多於前賢，漸有補於往牒。其胡三省注輿地，既是專長，無廢掇取。

謹案師古注班意，存翼贊深戒，攻擊本文竊謂注家大例，但不當吹毛掇耳。史書千秋龜鏡，固將不誣方來。昔人千慮之失，豈無有待而乃曲意依違，徇私于墨，以是爲忠良所未喻，故今砭訂歐史，未敢隱情避就。范甯穀梁非無先覺，第求舉正，何爽納忠。

謹案天文測驗，因時改易，五代衆職頽隳，是術多疎。歐陽於推步一家，夙所未究，其刊修唐史時，與劉義叟同局。天文歷志，悉衷其言。此撰司天當亦從彼商榷，士薦

變古之差天竺祆占之妄信宜祛別王朴發敘歐書已載獨日躔月離兩篇旣爲義叟盡見是攷仍闕不言殆厭其繁重故從刪棄今就宋人可考之書量加詮次蓋以存其施行之舊若夫寫分擬數宅無見意無取支離謹案地志之重尙矣五季多事之秋一彼一此十國帝制自爲不常建置調宜悉意明徵俾提封畫一而諸家地理之書此焉多略歐史職方一考部居未審河北秦州失書而晉遼之戰績不彰嶺南辯化一郡以唐宋之地分列惠州避諱當時無是安陵改屬重出爲繁凡茲一切更僕難終固不獨總舉諸州後明改革爲自創也



之揚摧又有書雖兩家文無異致者如冊府元龜間同  
會要成章馬令南唐多采歐史全製因文芟削何費鈔  
胥餘自公私傳記旁及金石文章稗官遇一言之確佚  
篇得類書而存皆原歐陽雅意用助起予其書迄於南  
宋特明限斷若夫小家珍說膚受無徵必切引繩弗疑  
視聽以茲壹志進求爲歐史之功臣退不失爲羣書之  
益友庶幾確論詎襲陳言凡所稽合發揮得若干事并  
近人所撰五代史考異五代史纂誤補謹附

欽定二史考證後云

是書校字正文以爲準衍文複文省文脫文俱從其

殿本元槧本

舊注文二史異同及諸書互異者各從原本諸書刊誤  
係官版從原本鈔本轉寫謬脫者互勘文義可正者正



之駁文不可解而又無取證者仍之金石闕文仍之

欽定舊五代史一百五十卷

薛居正以宰相監修是書眾手所成故有文字繁冗

之病金章宗朝廢而不行元明以來傳本湮沒乾隆癸巳開四庫館

特命儒臣于永樂大典散編中重加裒輯欽稟

睿裁與歐書並列二十四史屢蒙

聖製詩褒美其事欽定四庫全書提要具述其詳

新五代史七十五卷

歐陽修撰當時稟藏私家修身後敕取其書付國子監官爲刊印金

章宗朝詔學官止用歐史本朝薛史復出仍

命與歐史並行俱列正史

歐史原注

徐無黨注散見本書各條下寥寥數語以發明書法爲宗後人每謂歐史于五代時禮樂

刑政典章制度闕焉不詳多議作注以補之而卒無成書由于薛史久佚無從考信故也康熙間崑山徐炯嘗

爲注秀水朱彝尊作序盛相推許實則僅成帝紀不傳于世文勤曾於浙中購得刊本知非完書朱亦自言欲注未成屢見曝書亭集茲得朱手槁千七百餘條大約採通鑑冊府元龜太平御覽玉海文獻通考諸書其小者不過九國志十國春秋馬陸南唐書之類由其未見薛史不足稱備又所採兼乃元明以後人書亦無限斷惟閩粵雲朔間爲朱遊蹟所經金石尙存堪資掇取今悉入注併他家金石有據者備採焉

歐史彭注近又當時上承唐典下開宋制莫備于武英殿官刊五代會要一書是以全採欽定薛史及會要二書爲正注一字不遺蓋注歐實以存薛使二史並行合爲完璧其他所採書專以宋人爲斷併宋文集凡二百七十餘種而元明以後書皆不闕入文勤著例則所謂引諸家之論以辨是非參諸書之文以訂訛異傳所有之事以詳委曲傳所無之人以徵同類皆闕遺傳所有之人以核生平傳所無之人以較易爲力茲裴松之注三國志遺意惟松之去取自由較易爲力茲則以書注書不以已意增損一字視裴注爲尤難耳

五代史記目錄



本紀一十二卷

列傳四十五卷

考三卷

世家年譜一十一卷

附錄三卷

本紀

第一卷

梁本紀第一

太祖上

第二卷

梁本紀第二

太祖下

第三卷

梁本紀第三

末帝

第四卷

唐本紀第四

莊宗上

第五卷上

唐本紀第五

莊宗中

第五卷下

唐本紀第五

莊宗下

第六卷上

唐本紀第六

明宗上

第六卷中

唐本紀第六

明宗中

第六卷下

唐本紀第六

明宗下

第七卷

唐本紀第七

愍帝

廢帝

第八卷上

晉本紀第八

高祖上

第八卷下

晉本紀第八

高祖下

第九卷

晉本紀第九

出帝

第十卷上

漢本紀第十

高祖

隱帝上

第十卷下

漢本紀第十

隱帝下

第十一卷上

周本紀第十一

太祖上

第十一卷下

周本紀第十一

太祖下



第十二卷上

周本紀第十二

世宗上

第十二卷下

周本紀第十二

世宗下

恭帝

列傳

第十三卷

梁家人傳第一

太祖文惠皇后王氏 元貞皇后張氏

陳昭儀 李昭容

末帝妃張氏 妃郭氏

太祖子友裕 友珪

友璋 友雍

友微 友孜

友文 兄全昱

全昱子友諒 友能

友誨 兄存子友寧

友倫

第十四卷

唐太祖家人傳第二

太祖劉太妃

貞簡皇后曹氏

莊宗神閔敬皇后劉氏

淑妃韓氏

德妃伊氏

太祖子存美

存霸

存禮

存渥

存乂

存確

存紀

太祖弟克讓

克脩

克脩子嗣弼

嗣肱

克恭

克寧

克寧子瓌

莊宗子繼岌

繼潼

繼嵩

繼蟾

繼堯

第十五卷

唐明宗家人傳第三

明宗和武憲皇后曹氏

昭懿皇后夏氏

宣憲皇后魏氏

淑妃王氏

愍帝哀皇后孔氏

明宗子從璟

從榮

從益

姪從璨

從璋

從溫

從敏

第十六卷

唐廢帝家人傳第四

皇后劉氏

子重吉

重美

第十七卷

晉家人傳第五

高祖皇后李氏

太妃安氏

出帝皇后馮氏

高祖子重信

重义

重英

重進

重睿

重杲

高祖叔父萬友

萬友子敬威

敬贊

萬銓

萬銓子敬暉

高祖兄敬儒

高祖弟敬德

敬殷

重允

出帝子延煦

延寶

第十八卷

漢家人傳第六

高祖皇后李氏

高祖弟崇信

高祖子承訓

承勳

姪贊

第十九卷

周太祖家人傳第七

聖穆皇后柴氏

淑妃楊氏

貴妃張氏

德妃董氏

子侗

信

姪守愿

奉超

遜

第二十卷

周世宗家人傳第八

柴守禮

世宗貞惠皇后劉氏

宣懿皇后苻氏

後立皇后苻氏

世宗子誼

誠

誠

熙讓

熙謹

熙誨

第二十一卷

梁臣傳第九

敬翔

朱珍



李唐賓

龐師古

葛從周

霍存

張存敬

苻道昭

劉捍

寇彥卿

第二十二卷

梁臣傳第十

康懷英

劉鄩

牛存節

張歸霸

歸厚

歸弁

王重師

徐懷玉

第二十三卷

梁臣傳第十一

楊師厚

王景仁

賀瓌

王檀

馬嗣徽

王虔裕

謝彥章

第二十四卷

唐臣傳第十二

郭崇韜

安重誨

第二十五卷

唐臣傳第十三

周德威

符存審

史建瑭

子匡翰

王建及

元行欽

安金全

袁建豐

西方鄴

第二十六卷

唐臣傳第十四

符習

烏震

孔謙

張廷朗

李嚴

李仁矩

毛璋

第二十七卷

唐臣傳第十五

朱宏昭

馮贊附

劉延朗

康思立

康義誠

藥彥稠

第二十八卷

唐臣傳第十六

豆盧革

盧程

任圜

趙鳳

李襲吉

張憲

蕭希甫

劉贊

何瓚

第二十九卷

晉臣傳第十七

桑維翰

景延廣

吳巒

第三十卷

漢臣傳第十八

蘇逢吉

史宏肇

楊邠

王章

劉銖

李業

聶文進

後贊

郭允明

第三十一卷

周臣傳第十九

王朴

鄭仁誨

扈載

第三十二卷

死節傳第二十

王彥章

裴約

附

劉仁贍

附

第三十三卷

死事傳第二十一

張源德

夏魯奇

姚洪

王思同

張敬達

翟進宗

沈斌

王清

史彥超

孫晟

第三十四卷

一行傳第二十二

鄭遨

張薦明

石昂

程福贊

李自倫

第三十五卷

唐六臣傳第二十三

張文蔚

楊涉

張策

趙光逢

薛貽矩

蘇循 杜曉附

第三十六卷



義兒傳第二十四

李嗣昭

嗣本

嗣恩

存信

存孝

存進

存璋

存賢

第三十七卷

伶官傳第二十五

敬新磨

景進

史彥瓊

郭從謙

第三十八卷

宦者傳第二十六

張承業

張居翰

第三十九卷

雜傳第二十七

王鎔

羅紹威

王處直

劉守光

第四十卷

雜傳第二十八

李茂貞

韓建

李仁福

韓遜

楊崇本

高萬興

溫韜

第四十一卷

雜傳第二十九

盧光稠

譚全播

雷滿

鍾傳

趙匡凝

第四十二卷

雜傳第三十

朱宣

瑾

王師範

李罕之

孟方立

王珂

趙犇

馮行襲

第四十三卷

雜傳第三十一

氏叔琮

李彥威

李振

裴迪

韋震

孔循

孫德昭

王敬堯

蔣殷

第四十四卷

雜傳第三十二

劉知俊

丁會

賀德倫

閻寶

康延孝

第四十五卷

雜傳第三十三

張全義

朱友謙

袁象先

朱漢賓

段凝

劉玘

周知裕

陸思鐸

第四十六卷

雜傳第三十四

趙在禮

霍彥威

房知溫

王晏球

安重霸

王建立

康福

郭延魯

第四十七卷

雜傳第三十五

華溫琪

裴從簡

張筠

弟篋

楊彥詢

李周

劉處讓

李承約

張希崇

相里金

張廷蘊

馬全節

皇甫遇

安彥威

李瓊

劉景巖

第四十八卷

雜傳第三十六

盧文進

李金全

楊思權

王宏贇

劉審交

王周

高行周

行珪

白再榮

安叔千

第四十九卷

雜傳第三十七

翟光鄴

馮暉

皇甫暉

唐景思

王進

常思

孫方諫



第五十卷

雜傳第三十八

王峻

王殷

劉詞

王環

折從阮

第五十一卷

雜傳第三十九

朱守殷

董璋

范延光

婁繼英

安重榮

安從進

楊光遠

第五十二卷

雜傳第四十

杜重威

李守貞

張彥澤

第五十三卷

雜傳第四十一

王景崇

趙思綰

慕容彥超

第五十四卷

雜傳第四十二

馮道

李珣

李琪

鄭珏

李愚

盧導

司空頴

第五十五卷

雜傳第四十三

劉昫

盧文紀

馬允孫

姚顗

劉岳

馬綽

盧損

崔居儉

崔稅

李懌

第五十六卷

雜傳第四十四

和凝

趙瑩

馮玉

盧質

呂琦

薛融

何澤

王權

史珪

龍敏

第五十七卷

雜傳第四十五

李崧

李鱗

賈緯

段希堯

張允

王松

裴皞

王仁裕

裴羽

王延

馬重績

趙延義

考

第五十八卷

司天考第一

第五十九卷

司天考第二

第六十卷上

職方考第三

第六十卷中

職方考第三

第六十卷下

職方考第三

世家年譜

第六十一卷上

吳世家第一

第六十一卷下

吳世家第一

第六十二卷上之上

南唐世家第二

第六十二卷上之下

南唐世家第二

第六十二卷中之上

南唐世家第二

第六十二卷中之下

南唐世家第二

第六十二卷下之上

南唐世家第二

第六十二卷下之下

南唐世家第二

第六十三卷上

前蜀世家第三

第六十三卷下

前蜀世家第三

第六十四卷上



後蜀世家第四

第六十四卷下

後蜀世家第四

第六十五卷

南漢世家第五

第六十六卷

楚世家第六

第六十七卷上

吳越世家第七

第六十七卷下

吳越世家第七

第六十八卷

閩世家第八

第六十九卷

南平世家第九

第七十卷

東漢世家第十

第七十一卷上之上

十國世家年譜第十一

第七十一卷上之下

十國世家年譜第十一

第七十一卷中之上

十國世家年譜第十一

第七十一卷中之下

十國世家年譜第十一

第七十一卷下之上

十國世家年譜第十一

第七十一卷下之下

十國世家年譜第十一

附錄

第七十二卷

四夷附錄第一

第七十三卷

四夷附錄第二

第七十四卷

四夷附錄第三

徐無黨曰凡諸國名號梁本紀自封梁王以後始稱梁  
唐本紀自封晉王以後始稱晉自建國號唐以後始稱  
唐各從其實也自傳而下於未封王建國之前或稱梁  
稱晉稱唐者史官從後而追書也唐嘗稱晉而石敬瑭  
又稱晉李昇又稱唐劉龔已稱漢而劉旻又稱漢王建  
已稱蜀而孟知祥又稱蜀石晉自爲一代不待別而可  
知唐漢蜀則加東南前後以別其世家梁初嘗封沛東  
平南唐初嘗稱齊三號當時已不顯著故皆畧而不道

五代亂世名號交雜而不常史家撰述隨事  
爲文要於理通事見而已覽者得以詳焉

五代史記目錄

五代史記卷第一

廬陵歐陽脩撰

徐無黨原注

南昌彭元瑞注

劉鳳誥排次

梁本紀第一

原注本紀因舊以爲名本原其所始起而紀次其事與時也卽位以前其事詳原本其所自來故曲而備之見其起之有漸有暴也卽位以後其略居尊任重所責者大故所書者簡惟簡乃可立法

太祖神武元聖孝皇帝姓朱氏宋州碭山午溝里人也

其父誠

五代史太祖神武元聖孝皇帝姓朱氏諱晃本名溫宋州碭山人其先舜司徒虎之後高祖黯

會祖茂琳祖信父誠帝卽誠之第三子母曰文惠王皇后以唐大中六年歲在壬申十月二十一日夜生于碭山縣午溝里是夕所居廬舍之上赤氣上騰里人望之皆驚奔而來曰朱家火發矣及至則廬舍儼然旣入

隣人以誕孩告衆咸異之五代會要梁太祖神武元

聖孝皇帝姓朱氏諱晃追冊文穆皇帝第三子母曰文

惠皇后王氏唐大中六年十月二十一日生于單州碭

山縣以其日為大明節通鑑注開平二年梁改翰林

承旨為翰林承旨以廟諱誠避嫌諱也按採異聞錄

梁開平元年司天監上言曰武朱溫父名誠以戊類成字

亦有司自今北人語多曰武朱溫父名誠以戊類成字

故司天詔之耳東軒筆錄朱高祖父名誠至今京師

呼城外有州東州西州南州北而韋城相城胙城等縣

但呼韋縣相縣胙縣是也雲龍漫鈔城避朱梁諱改

曰州如東都州南州北州是也齊東野語以五經教授鄉

野語梁太祖父烈祖名誠遂改城曰牆誠卒三子貧

里生三子曰全昱存溫義原注變諱某書名誠卒三子貧

不能為生與其母傭食蕭縣人劉崇家五代史昆仲三

母攜養寄于蕭縣人劉崇之家帝既壯不事生業以雄

勇自負里人多厭之崇以其傭倚每加譴文惟崇母自

幼憐之親為鬻髮嘗誠家人曰朱三非常也汝輩當

善待之家人問其故答曰我嘗見其熟寐次化為一

善待之家人問其故答曰我嘗見其熟寐



赤蛇然衆亦未之信也北夢瑣言梁祖宋州碭山縣

午溝里人本名溫賜名全忠建國後改名晃家世爲儒

祖信父誠皆以教授爲業誠蚤卒有三子俱幼母王氏

攜養寄于同縣人劉崇家昆弟之中唯溫狡猾無行崇

母撫養之崇弟兄嘗加譴杖一日偷崇家釜而竄爲崇

追回崇母遮護以免扑責善逐走鹿往往及而獲之又

崇母常見其全昱無他材能然爲人頗長者存溫勇有

有龍蛇之異全昱無他材能然爲人頗長者存溫勇有

力清異錄梁祖自初起每令左右持大赤旗而溫尤兇

悍唐僖宗乾符四年黃巢起曹濮存溫亡入賊中巢攻

嶺南存戰死巢陷京師以溫爲東南面行營先鋒使攻

陷同州以爲同州防禦使通鑑中和二年正月黃巢以

朱溫爲同州刺史令溫自取

之二月同州刺史米誠奔河中溫遂據之平巢事蹟

考中和二年三月朱溫據同州又巢以其將碭山朱

溫屯東是時天子在蜀諸鎮會兵討賊原注諸鎮記當

渭橋

時語也唐謂節

度使所治  
州為藩鎮故南赴鎮移鎮之語  
溫數為

河中王重所敗平巢事蹟考巢遣朱溫擊河中屢請

益兵于巢中尉孟楷抑而不通溫客謝瞳五代史謝

福州人唐武通末舉進士因畱長安三歲不中第廣明

初黃巢陷戶安遂投跡于太祖泊居門下未嘗一日不

在左右及太祖據同州遂署右職其年秋太祖與河中

交戰再不利連上章請兵于巢偽右軍都尉孟楷抑而

不進瞳揣太祖有擇福意乃進說曰黃家以數十萬之

師值唐朝久安人不習戰因利乘便遂下兩京然始竊

偽號任用已失其所今將年勇冠三軍力戰于外而孟

楷專務壅蔽奏章不達下為庸才所制無獨斷之明破

亡之兆必矣況土德未厭外兵四集漕運波注日以收

復為名惟將軍察之太祖曰我意素決爾又如如是復何

疑哉翼日遂定策戮偽監軍使悉眾歸順于河中王重

榮表瞳為檢校屯田員外郎賜緋令奉表于蜀唐僖宗

大悅召入顧問賜資甚厚以功授朝散大夫太子率更

令賜紫為陵州刺史治郡一歲改檢校右散騎常侍通

刺史在任四考頗有政績秋罷詣蜀行在太祖遣人迎之龍紀二年至東京勞來彌厚賜第墅各一區錢千緡表爲亳州團練使兼太清宮副使加檢校工部尚書是年冬太祖征淮南過郡因求侍府幕表爲宣義軍節度副使充兩使留後瞳在滑十三年部內增戶約五萬益兵數千人累遷至大中大夫檢校右僕射卒于滑開平初追贈說溫曰黃家起于草莽幸唐衰亂直投其隙而司徒

取之爾非有功德興王之業也此豈足與其成事哉今天子在蜀諸鎮之兵日集以謀興復是唐德未厭于人也且將軍力戰于外而庸人制之于內此章邯所以背秦而歸楚也溫以爲然乃殺其監軍嚴實自歸于河中因王重榮以降都統王鐸承制拜溫左金吾衛大將軍河中行營招討副使天子賜溫名全忠

五代史唐僖宗乾符中關東薦

饑羣賊嘯聚黃巢因之起于曹濮饑民願附者凡數萬  
帝乃辭崇家與仲兄存俱入巢軍以力戰屢捷得補爲  
隊長唐廣明元年十二月甲申黃巢陷長安遣帝領兵  
屯于東渭橋是時夏州節度使諸葛爽率所部屯于櫟  
陽巢命帝招諭爽爽遂降于巢中和元年二月帝歸長  
安爲東南面行營先鋒使令攻南陽下之六月帝歸長  
安巢親勞于灞上七月巢遣帝西拒邠岐鄜夏之師于興  
平所至皆立功二年二月巢以帝爲同州防禦使使自  
攻取帝乃自丹州南行以擊左馮翊拔之遂據其郡時  
河中節度使王重榮屯兵數萬糾兵諸侯以圖興復帝  
時與之隣封屢爲重榮所敗遂請濟師于巢表章十上  
爲僞左軍使孟楷所蔽不達又聞巢軍勢蹙諸校離心  
帝知其必敗九月帝遂與左右定計斬僞監軍使嚴實  
舉郡降于重榮重榮卽日飛章上奏時僖宗在蜀覽表  
而喜曰是天賜子也乃詔授帝左金吾衛大將軍充河  
中行營副招討使仍賜名全忠自是率所部與河中兵  
士偕行所向無不克捷平巢事蹟考忠武監軍楊復  
光率陳蔡兵萬人屯武功王重榮與連和擊賊將李詳  
于華州執以徇賊使尙讓來攻而朱溫將勁兵居前敗  
重榮兵于西關門于是出兵陳蔡掠河中漕米數千艘

重榮選兵三萬攻溫溫懼悉鑿舟沉于河舉同州降復  
光欲斬之重榮曰今招賊一切釋辜且溫武銳可用殺  
之不祥表為同華節度使十月以溫為河中行營招討  
副使賜名全忠鑑戒錄朱太祖統四鎮除中令日名  
溫與崔相國連構大事崔每奏太祖忠赤遷之關東國  
無患矣昭宗遠勅太祖改名全忠議者曰全字人王也  
又在中心甚不可也近臣亦奏上方悔焉勅命既行追  
之勿及後果有大梁皇帝之號是時四分天下其在中  
心乃賜名

中和三年三月拜全忠汴州刺史宣武軍節

度使

五代史三年三月僖宗制授帝宣武軍節度使依前充河中行營副招討使仍令候收復京闕即得

起鎮四月諸鎮兵破巢復京師巢走藍田七月丁卯全忠

歸于宣武

五代史四月巢軍自藍關南走帝與諸侯之師俱收長安乃率部下一旅之眾仗節東下

七月丁卯入于梁苑

是歲黃巢出藍田關陷蔡州節度使秦宗權

叛附于巢遂圍陳州徐州時溥

原注凡稱某州某人者皆其節度使三水小

牘陳璠者沛中之走卒也與故徐帥時溥少結軍中兄弟之好及溥爲支辟所任璠亦累遷右職黃巢之亂支辟簡勁卒五千人命溥總之而西璠爲次將溥自許昌趨洛下璠以千人反平陰溥乃矯稱支命追兵迴於是引師與璠合屠平陰掠圍旧而下及沛支慮其變郊勞及解甲盛設厚賂之乃令所親諷支曰軍前不安民望見追且請公解印以厭衆心支力不能制乃率妻孥出居大彭館溥自稱留後璠謂溥曰支尙書惠及沛人若不殺之將貽後悔溥不可璠固請與溥往復十餘翻溥怒曰自看自看璠乃詐爲溥命謂之曰請支行李歸闕下支以爲誠也翼日遂發璠伏甲於七里亭至則無少長皆殺之沛人莫不流涕其後溥受朝命乃表璠爲宿州太守璠性慘酷喜殺復厚斂淫刑百姓嗟怨五年貲賄山積溥惡之乃命都將張友代璠璠怒不受命友至處別第以俟璠出璠夜率麾下五百人騎走出數十里從領驍果百餘人突之璠潰與十餘人騎走以送從騎皆亡璠棄馬微服乞食於野野人有識之者執以送友繫之馳白溥溥命斬之於郡璠本麤悍又朴不知書臨刑忽索筆賦詩曰積玉堆金官又崇禍來倏忽變成空五年榮貴今何在不一異南柯一夢中時以爲鬼代作

也爲東南面行營兵馬都統會東諸鎮兵以救陳陳州

刺史趙犇亦乞兵于全忠溥雖爲都統而不親兵五代史是

時帝年三十有二時蔡州刺史秦宗權與黃巢餘孽合從肆虐其國陳州久之僖宗乃命帝爲東北面都招討

使時汴宋連年阻饑公私俱困帑廩皆虛外爲大敵所攻內則驕軍難制交鋒接戰日甚一日人皆危之惟帝

銳氣益振是歲十二月帝領兵于鹿邑與巢衆相遇縱兵擊之斬首二千餘級乃引兵入亳州因是兼有譙郡

地之四年全忠乃自將救犇率諸鎮兵擊敗巢將黃鄴尙

讓等犇以全忠爲德始附屬焉是時河東李克用下兵

太行渡河出洛陽與東兵會擊巢巢已敗去全忠及克

用追敗之于郾城巢走中牟又敗之于王滿巢走封邱

又大敗之巢挺身東走至泰山狼虎谷爲時溥追兵所

殺五代史四年春帝與許州田從異諸軍同收瓦子寨  
以殺賊數萬衆是時陳州四面賊寨相望驅擄編氓殺  
丁已充食號爲春磨寨帝分兵翦撲大小凡四十戰四月  
而進會黃巢遁去遂入陳州刺史趙犇迎于馬前俄聞  
巢黨尙在陳北故陽壘帝遂逕歸大梁是時河東節度  
使李克用奉僖宗詔統騎軍數千同謀破賊與帝合勢  
于中牟北邀擊之賊衆大敗于王滿渡多束手來降時  
賊將霍存葛從周張歸厚張歸霸皆匍匐于馬前悉宥  
而納之遂逐殘寇東至于冤句五月甲戌帝與晉軍振  
旅歸汴館克用于上源驛旣而備犒宴之禮克用乘醉  
任氣帝不平之是夜命甲士圍而攻之會大雨雷電克  
用因得于電光中踰垣遁去惟殺其部下數百人而已  
六月陳人感解圍之惠爲帝建生祠堂于其郡是歲黃  
巢雖歿而蔡州秦宗權繼爲巨孽有衆數萬攻陷隣郡  
殺掠吏民屠害之酷更甚巢賊帝患之七月遂與陳人  
共攻蔡賊于澠水殺數千人北夢瑣言黃巢自長安  
遁歸與其衆屯於陳蔡間澠河下寨連絡號入山營於  
時蔡州秦宗權懼巢以城降之時旣饑乏野無所掠唯  
捕人爲食肉盡繼之以骨或碓搗或磔磨咸用充饑天



兵四合巢軍不利其黨駭散頻爲雷電大雨淹沒其營  
乃與妻孥昆弟奔于太山狼虎谷爲外甥林言斬首送  
徐州時溥下裨將李師銳函首送成都行在也金華  
子維編黃巢本王仙芝賊中判官仙芝旣死賊衆戴之  
爲首遂日盛橫行於中原竟陷京洛數年方滅金華子  
日民猶水也水能載舟亦能覆舟民於君也善則歸服  
惡則離貳始盜賊聚於曹濮皆承平之蒸民也官吏刻  
判於賦斂水旱不恤其病餒父母妻子求養無計初則  
窺奪穀粟以救死命黨與旣成則連衡同惡跨山壓海  
東逾梁宋南窮高廣列獄無城壁之險重關無百二之  
固蟒啖噓天翠華狼狽而西幸豺牙爍日齊民肝腦以  
塗地鄴鎬凌夷往而不返矣世之清平也搢紳之士率  
多矜恃儒雅高心世祿靡念文武之本羣尙輕薄之風  
莅官行法何嘗及治由是大綱不維小漏忘補失民有  
素上下相蒙百六之運九月天子以全忠爲檢校司徒  
旣遭翻飛之變是作

同中書門下平章事封沛郡侯

五代史九月己未僖宗就加帝檢校司徒同平

章事封沛郡侯食邑千戶

文獻通考封爵之差唐制

王食邑五千戶

郡王國公三千戶開國郡公二千戶縣

公千五百戶縣侯千戶伯七百戶子五百戶男三百戶  
又有食實封者給緋帛每賜爵遞加一級唐末及五代  
始有特加邑戶而罷實封之光啟五代史光啟元年春  
給又去縣公之名封侯以郡光啟蔡賊掠亳潁二郡帝  
帥師以救之遂東至于焦夷敗賊衆數千生擒賊將殷  
鐵林梟首以徇軍而還三月僖宗自蜀還長安改元光  
啟四月戊辰就加帝檢校太保增食邑千五百戶十二  
月河中太原之師逼長安觀軍容使田令孜奉僖宗出  
幸鳳翔二年三月進爵王五代史二年春蔡賊益熾時唐  
翔用故宗權得以縱毒連陷汝洛懷孟唐鄧許鄭圖幅數  
千里殆絕人煙惟宋毫滑潁僅能閉壘而已帝累出兵  
與之交戰然或勝或負人甚危之三月庚辰僖宗降制  
就封帝爲沛郡王是月僖宗移幸興元五月嗣襄王煊  
僭卽帝位于長安改元爲建貞遣使齎僞詔至汴帝命  
焚之于庭未幾襄王果敗七月蔡人逼司州節度使鹿  
宴宏使來求救帝遣葛從周等率師赴義成軍亂逐其  
援師未至而城陷宴宏爲蔡賊所害

節度使安師儒推牙將張驍爲留後師儒來奔殺之遣

朱珍李唐賓陷滑州以胡真為留後五代史十一月滑州節度使安師儒

以怠于軍政為部下所殺帝聞之乃遣朱珍李唐賓襲而取之由是遂有滑臺之地又胡真江陵人也體貌

洪壯長七尺善騎射少為縣吏及在巢寇中寇推為名將隨巢涉淮浙陷許洛入長安及太祖以衆歸唐真時

為元從都將從至梁苑表授檢校刑部尚書頻從破巢蔡于陳鄭間尋以奇兵襲取滑州乃署為滑州節度留

後復表為鄭滑節度使檢校右僕射數年徵為右金吾衛大將軍俄拜寧遠軍節度使容州刺史檢校太保卒

贈太傅通鑑溫見巢兵勢日盛知十二月徙封吳興其將亡親將胡真謝瞳勸溫歸國

郡王五代史十二月僖宗降制就加帝檢校太傅改封吳興郡王食邑三千戶自黃巢死秦

宗權稱帝陷陝洛懷孟唐許汝鄭州遣其將秦賢盧瑋

張旺攻汴賢軍板橋旺軍北郊瑋軍萬勝環汴為三十

六柵王顧兵少不敢出原注始而稱名既而稱爵既而稱帝漸也爵至王而後稱著其

者通乃遣朱珍募兵于東方而求救于兗鄆

五代史是歲鄭州爲蔡賊

所陷刺史李璠單騎來奔帝宥而納之以爲行軍司馬

宗權既得鄭益驕帝遣裨將邏于金隄驛與賊相遇因

擊之賊衆大敗追至武陽橋斬首千餘級帝每與蔡人

戰于四郊既以少擊衆常出奇以制之但患師少未快

其旨宗權又以已衆十倍于帝恥于頻敗乃誓衆堅決

以攻夷門既而獲蔡之謀者備知其事遂謀濟師焉

三年春珍得兵萬人馬數百匹以歸乃擊賢板橋拔其

四柵又擊瑋萬勝瑋敗投水死宗權聞瑋等敗乃自將

精兵數千柵北郊五月兗州朱瑾鄆州朱宣來赴援

原注

流俗本宣從王者非王置酒軍中中席王陽起如廁以輕兵出北

門襲暉而樂聲不輟暉不意兵之至也兗鄆之兵又從

而合擊遂大敗之斬首二萬餘級宗權與暉夜走過鄭

而合擊遂大敗之斬首二萬餘級宗權與暉夜走過鄭

而合擊遂大敗之斬首二萬餘級宗權與暉夜走過鄭

屠其城而去宗權至蔡復遣張晔攻汴王聞晔復來登  
封禪寺後岡望晔兵過遣朱珍躡之戒曰晔見吾兵必  
止望其止當速返毋與之鬪也已而晔見珍在後果止  
珍卽馳還王令珍引兵蔽大林而自率精騎出其東伏  
大冢間晔止而食食畢拔旗幟馳擊珍珍兵小却王引  
伏兵橫出斷晔軍爲三而擊之晔大敗脫身走宗權怒  
斬晔而河陽陝洛之兵爲宗權守者聞蔡精兵皆已殲  
于汴因各潰去故諸葛爽將李罕之取河陽張全義取  
洛陽以來附五代史三年春二月乙巳承制以朱珍爲  
淄州刺史俾募兵于東道且慮蔡人暴其  
麥苗期以夏首回歸珍旣至淄棣旬日之內應募者萬  
餘人又滑襲青州獲馬千匹鎧甲稱是乃鼓行而歸四

月辛亥達于夷門帝喜曰吾事濟矣是時賊將張旺屯于北郊秦賢屯于版橋各有衆數萬樹柵相連二十餘里其勢甚盛帝謂諸將曰此賊方今息師蓄銳以俟時必來攻我況宗權度我兵少又未知珍來謂吾畏懼止于堅守而已今出不意不如先擊之乃親引兵攻秦賢寨將士踴躍爭先賊果不備連拔四寨斬首萬餘級時賊衆以爲神助庚午賊將盧瑋領萬餘人于圃田北萬勝戍夾汴水爲營跨河爲梁以扼運路帝擇精銳以襲之是日昏霧四合兵及賊壘方覺遂突入掩殺赴水死者甚衆盧瑋自投于河河南諸賊連敗不敢復駐皆併在張旺寨自是蔡寇皆懷震懼往往軍中自相驚亂帝旋師休息大行搞賞繇是軍士各懷憤激每遇敵無不奮勇五月丙子出酸棗門自卯至未短兵相接賊衆大敗追斬二十餘里僵仆就枕宗權恥敗益縱其虐乃自鄭州親領突將數人逕入張旺寨其日晚大星隕于賊壘有聲如雷辛巳充鄆滑軍士皆來赴援乃陳兵于汴水之上旌旗器甲甚盛蔡人望之不敢出寨翼日分布諸軍齊攻賊寨自寅至申斬首二萬餘級會夜收軍獲牛馬輜重生口器甲不可勝計是夜宗權旺遁去遲明追之至陽武橋而還宗權至鄭州乃盡焚其廬舍屠其

郡人而去始蔡人分兵寇陝維孟懷許汝皆先據之因是敗也賊眾悉懼咸棄之而遁帝乃慎選將佐俾完葺壁壘為戰守之備于是十月天子使來賜王紀功碑朱遠近流亡復歸者眾矣

宣朱瑾兵助汴已破宗權東歸王移檄兗鄆誣其誘汴

亡卒以東

通鑑考異編遺錄八月丙午都指揮使朱珍以諸部將士日有逃逸者初未曉其端今乃

知為戰帥朱宣因前年與我師會合討伐蔡寇賄將士驍勇潛有窺覲之心密于境上懸金帛招誘如至者皆厚而納焉積亡既多上察之且不平是事因移文追索亡者朱宣來言不遜上益怒其欺罔乃議舉兵伐之乃發兵攻之取其曹州濮州遂遣朱珍攻鄆州大敗而

還十二月天子使來賜王鐵券及德政碑

老學菴筆記俗說唐五代

間事每及功臣多云賜無畏其言甚鄙淺子兒時聞之每以為笑及觀韓偓金鑾密記云面處分目此賜無畏兼賜金三十兩又云已曾賜無畏卿宜萬事皆盡言直是鄙俚之言亦無畏以此觀之無畏許之無所畏憚也

然君臣之間乃許之無所畏淮南節度使高駢死楊行

密入揚州天子以王兼淮南節度使王乃表行密爲副

使以行軍司馬李璠爲留後璠之揚州行密不納五代

時揚州節度使高駢爲裨將畢師鐸所害俊有孫儒楊

行密互相攻伐朝廷不能制乃就加帝檢校太尉兼領

淮南節度使九月亳州裨將謝殷逐刺史宋不袞自據其

郡帝親領軍屯于太清宮遣霍存討平之帝之禦蔡寇

也鄆州朱瑾充州朱瑾皆領兵來援及宗惟旣敗帝以

宣瑾宗人又有力于已皆厚禮以歸之宣瑾以帝軍

士勇悍私心愛之乃密于曹濮界上懸金帛以誘之帝

軍利其貨而赴者甚衆帝乃移檄以讓之生宣來使不

遜乃命朱珍侵曹伐濮以懲其姦未幾珍代曹州執刺

史邱禮以獻遂移兵圍濮充鄆之釁自茲而始矣十月

僖宗命水部郎中王贊撰紀功碑以賜帝是月帝親帥

騎數千巡師于濮上因破朱宣援師于范縣丁未攻陷

濮州刺史朱裕單騎奔鄆尋爲鄆人所敗踰月乃還十

二月僖宗遣使賜帝錢券又命翰林承旨劉宗望撰德



政碑以賜帝閏月甲寅帝請行營司馬李璠權知文德

淮南留後乃遣大將郭言領兵援送以赴揚州

元年正月王如淮南至宋州而還五代史文德元年正月

行次宋州聞楊行密已拔揚州遂還是時李璠郭言是

行至淮上為徐戎所扼不克進而還帝怒遂謀伐徐是

時秦宗權陷襄州以趙德誣為節度使德誣叛于宗權

以來附天子因以王為蔡州四面行營都統以德誣為

副五代史二月丙戌僖宗制以帝為蔡州四面三月庚

子僖宗崩五代史三月庚子昭宗即位是月蔡人石璠

璠以天雄軍亂囚其節度使樂彥貞其子相州刺史從

訓攻魏來乞兵遣朱珍助從訓攻魏而魏軍殺彥貞從

訓戰死

北夢瑱言王鐸落都統除滑州節度尋罷鎮以河北安靜於楊全玖有舊避地浮陽與其幕客

從行皆朝中士子及過魏樂彥貞禮之甚甚至鐸之行李甚侈從客侍姬有輦下昇平之故態彥貞有子曰從訓素無賴愛其車馬姬妾以問其父之幕客李山甫以咸通中素舉不第尤私憤于中朝貴達因勸從訓圖之伺鐸至甘陵以輕騎數百盡掠其橐裝姬僕而還賓客皆遇害及奏朝廷云得貝州報某日殺却一人姓王名令公其兇誕也如此彥禎委人立羅宏信珍乃還五代史父子尋為亂軍所殺辰魏博樂彥禎失律其子從訓出奔相州使來乞師帝遣朱珍領大軍濟河連收黎陽臨河二邑既而魏軍推小校羅宏信為帥宏信既立遣使張全義取河陽逐李送欵于汴帝優而納之遂命班師張全義取河陽逐李罕之罕之奔于河東李克用遣兵圍河陽全義來求救遣丁會牛存節救之擊敗河東兵于沈河五代史是月義襲李罕之于河陽克之罕之單騎出奔因乞師于太原李克用為發萬騎以援之罕之遂收其眾偕晉軍合勢急攻河陽全義危急遣使求救于汴帝遣丁會牛存節葛從周領兵赴之大戰于溫縣晉人與罕之俱敗于

是河橋解圍全義歸于河五月五代史五月己亥昭宗  
陽因以丁會爲河陽留後制以帝檢校侍中增食  
邑三千戶戊辰詔改帝行營討蔡州圍之百餘日不克  
鄉錦衣里曰沛王里  
五代史是月帝以兼有洛孟之地無西顧之患將大整  
師徒畢力誅蔡會蔡人趙德誣舉漢南之地以歸于朝  
廷且遣使送款于帝仍誓戮力同討宗權帝表其事朝  
廷因以德誣爲蔡州四面副都統又以河陽保義義昌  
三節度爲帝行軍司馬兼糧料應接至是帝領諸侯之  
師會德誣以伐蔡賊于汝水之上遂薄其城五日之內  
樹二十八寨以環之蓋象列宿之數也時帝親臨矢右  
一日飛矢中其左腋血漬單衣顧謂左右曰勿洩九月  
以糧運不是時時溥已爲東南面都統又以王統行營  
繼遂班師而溥猶稱都統王乃上書論溥討蔡無功而不落都統  
且欲激怒溥以起兵端初高駢死淮南亂楚州刺史劉  
瓚來奔納之及王兵攻蔡不克還欲攻徐乃遣朱珍將

兵數千以東聲言送瓚還楚州溥怒論已又聞珍以兵

來果出兵拒之珍戰于吳康大敗之取其豐蕭二縣遂

攻宿州下之珍屯蕭縣別遣龐師古攻徐州五代史是時帝知宗

權殘孽不足為患遂移兵以伐徐十月先遣朱珍領兵與時溥戰于吳康鎮徐人大敗連收豐蕭二邑溥攜散

騎馳入彭門帝命分兵以攻宿州刺史張友攜符印以降既而徐人閉壁堅守遂命龐師古屯兵守之而還是

月蔡賊孫儒攻陷揚州自稱淮南節度使龍紀元年正月師古敗溥于呂梁

淮西牙將申叢執秦宗權折其足將檻送京師別將郭

璠殺叢篡宗權以來獻王遣行軍司馬李璠獻俘于京

師表郭璠淮西留後五代史龍紀元年正月龐師古攻下宿遷縣進軍于呂梁時溥領軍

二萬晨壓師古之軍而陣師古促戰敗之斬首二千餘級溥復入于彭門二月蔡將申叢遣使來告縛秦宗權

于帳下折其足而囚之矣帝即日承制以叢爲淮西留  
後未幾叢復爲都將郭璠所殺是月璠執宗權來獻帝  
遣行軍司馬李璠牙校朱克讓檻送于長安旣至昭宗  
御延喜樓受俘卽斬宗權于獨柳樹下唐會要龍紀  
元年二月汴州行軍司馬李璠檻送秦宗權并妻趙氏  
上御延喜門受俘百僚稱賀於樓前以之徇市告社廟  
斬於獨柳樹北夢瑱言黃巢破後蔡州秦宗權繼爲  
反逆兵力強銳又復稱僭山東諸郡苦之十年之間屠  
膾生聚汴帥朱全忠盡節禦之宗權爲部將申叢擒而  
折足囚縛朱全忠具表檻送至京京兆尹孫揆率府縣  
吏閱之宗權卽檻中舉首曰宗權非反也大尹哀之觀  
者因以爲笑報應記唐內臣姓楊忘其名復恭之弟  
也陷秦宗權鹿宴洪劉巨容賊內二十餘年但讀金剛  
經雖在城中未嘗廢會宗權男爲襄陽節度使楊爲監  
軍使楊因人心危懼遂誘麾下將趙德言攻殺宗權男  
發表舉德言爲節度使由是軍府稍定民復舊業矣楊  
於課誦之功益加精勵嘗就牙門外柳樹下焚香課誦  
之次歛有金字金剛經一卷自空中飛下楊拜捧而立  
震駭心目得非信受精虔獲此善報也故陷於賊黨二  
十年閒終能梟巨盜立殊勳克保福祿蓋佛之冥祐也

三月天子封王爲東平王

五代史蔡州平昭宗詔加帝食實封一百戶賜莊宅各一

區三月又加帝檢校太尉兼中書令進封東平王賞平蔡之功也

七月朱珍殺李唐賓

王如蕭縣執珍殺之遂攻徐州冬大雨水不能屯軍而旋初秦宗權遣其弟宗衡掠地淮南是歲宗衡爲其將孫儒所殺儒攻楊行密于揚州淮南大亂行密走宣州儒入揚州大順元年春遣龐師古攻孫儒于淮南大敗而還四月宿州將張筠復歸于時溥王自將攻之不克

五代史大順元年四月丙辰宿州小將張筠逐刺史張紹光擁衆以附時溥帝率親軍討之殺千餘人筠遂堅守乙卯時溥出兵暴殲山縣帝遣朱友裕以兵襲之敗徐軍三千餘衆獲沙陀援軍石君和等三十人斬于宿州城下六月辛酉淮南孫儒遣使脩好于初黃巢敗走帝帝表其事請以淮南節度便授于儒焉

李克用追之至于冤胸不及而旋過汴駐軍于北郊王  
邀克用置酒上源驛夜以兵攻之克用踰城而免訟其  
事于京師天子知曲在汴而和解之通鑑考異梁太祖  
自曹南旋師上出封邱門迎勞之克用堅請入州內上  
初止之乃於門外陳設次舍將安泊之克用不諾因縱  
蕃騎突入馳至上源驛既不可遏上乃與之並轡送至  
驛亭是日晚備宴宴罷復張樂繼燭而飲克用酒酣使  
氣廣須樂妓頗恣無厭之欲又以醜言陵侮於上時蕃  
將皆被甲胄以衛克用上既甚不懽遽起圖之遂令都  
將楊彥洪潛率甲士入驛戮之時夜將半克用沉醉忽  
大雷雨暴至克用不覺侍人乃滅燭推於牀下藏之蕃  
戎與我師鬪戰移時方敗楊彥洪中流矢而斃是時陰  
黑克用遇一卒背負登尉氏門因得懸縋而出乘牛行  
數里以投其衆餘親衛數百人皆勦之其後克用至太  
原以是事表訴於唐帝蒲帥亦繼馳書請上與克用和  
解終不釋憾又實錄甲戌李克用次汴州駐軍近郊  
朱全忠請館於上源驛乃以腹心三百餘自衛全忠以

克用兵從簡少大軍在遠謀害之是至是宰相張濬私夜置酒宴罷以兵圍驛縱火焚之

與汴交王厚之以賂濬為汴請伐河東諸大臣皆以為

不可與師濬挾汴力請益堅天子不得已而許之五月

以濬為太原四面行營都統

北夢瑣言盧光啟兄弟脩飾赴舉謂

親知曰此乃開荒也然其立性開謹著初舉子一卷即進取諸事皆此類也策名後揚厯臺省受知於租庸張濬一出征并汾盧每致書疏凡一事別為一幅朝士至今數之蓋重疊別紙自光啟始也唐末舉人不問事行文藝但勤於請謁號曰精切亦皆法於光啟爾其族弟汝弼嘗為張濬出征判官傳檄四方其略云致赤子之流離自朱耶之板蕩自謂人曰天生朱耶赤子供我之筆也王為東南面招討使然

王不親兵以兵三千屬濬而已濬屯于陰地河東叛將

馮霸殺潞州守將李克恭來降遣葛從周入潞州李克



用遣康君立攻之從周走河陽九月王如河陽五代史

宗命帝為宣義軍節度使充河東東面行營招討使時

朝廷宰臣張濬將兵討大原故也入月甲寅昭義都將

馬霸殺沙陁所署節度使李克恭來降帝請河陽節度

使朱崇節為潞州留後戊辰李克用自率蕃漢步騎數

萬以圍潞州帝遣葛從周率驍勇之士夜中銜枚犯圍

而入于潞九月壬寅帝至河陽遣都將李謙引軍趨澤

潞行至馬牢川為晉人所敗帝又遣朱友裕張全義率

精兵至澤州北以為應援既而崇節從周棄潞來歸戊

申帝廷責諸將敗軍之罪斬李謙李重允以徇遂班師

焉通鑑攻異編遺錄八月甲寅馮霸殺李克恭來降

上請河陽帥朱崇節領兵入潞兼充留後戊辰李克用

圍之上遣葛從周率驍勇夜銜枚斫營突入上黨以壯

潞人之心又舊紀實錄皆云從周權知留後又汴人

圍澤州呼李罕之云葛司空已入潞州李存孝圍潞州

呼城上人云葛僕射可歸大梁似從周實為留後也然

薛居正五代史梁太祖紀云帝請以河陽節度使朱崇

節為潞州留後實錄明年五月以前昭義節度使朱崇

節為河陽節度按河陽自解張全義圍以來常附屬於

汴朱全忠以部將丁會張宗厚等爲之留後非一人崇節蓋亦汴將爲河陽留後全忠使權昭義留後旣不能守復歸河陽耳諸書因謂之節度使蓋誤也從周但與崇節共守潞州以其名著故外人但稱從周不數崇節也又編遺錄八月遣從周入上黨九月壬寅上往河陽令李讜救應朱崇節又命朱友裕張全義簡精銳進屯於澤州北應援取崇節從周以歸薛居正五代史梁太祖紀九月壬寅朔上至河陽遣李讜引軍趨澤爲晉人所敗帝又遣朱友裕張全義率精兵至澤州北以爲應援旣而崇節從周棄潞來歸戊申帝斬李重裔遂班師按讜等初圍澤州時讜城上人云張相公圍太原葛司空已入潞府是當時南兵方盛非孫揆就擒從周棄潞州之後也

十月天子以王兼宣義軍節度使遂如滑州假道于魏以攻河東且責其軍須亦所以怒魏爲兵端也魏人果以謂非兵所當出而辭以糧乏皆不許于是攻魏十一月張濬之師大敗于陰地二年正月王及

魏人戰于內黃大敗之屠故元城羅宏信來送款

五代史十

月乙酉帝自河陽赴滑臺時奉詔將討太原先遣使假

道于魏魏人不從先是帝遣行人雷鄴告羅于魏既而

為牙將所殺羅宏信懼故不敢從命遂通好于太原十

二月辛丑帝遣丁會葛從周率眾渡河取黎陽臨河又

令龐師古霍存下淇門衛縣帝徐以大軍繼其後二年

春正月魏軍屯于內黃丙辰帝與之接戰自內黃至永

定橋魏軍五敗斬首萬餘級羅宏信懼遣使持厚幣請

和帝命止其焚掠而歸其俘宏信繇是感悅而聽命焉

乃收軍屯十月克宿州五代史八月己丑帝遣丁會急

于河上

乃率眾于州東築堰壅汴水以浸

其城十月壬午筠遂降宿州平

十一月曹州將郭紹

賓殺其刺史郭饒來降五代史十一月丁未曹州裨將

是月徐將劉知俊率眾二

十二月丁會敗朱瑾于金鄉

千來降自是徐軍不振

五代史十二月兗州朱瑾領軍三萬寇單父帝遣丁會

領大軍襲敗之于金鄉界殺二萬餘眾瑾單馬遁去

景福元年二月攻鄆州前軍朱友裕敗于斗門王軍後

至又敗而還

五代史景福元年正月遣丁會于兗州界徙其民數千戶于許州二月戊寅帝親征

鄆先遣朱友裕屯軍于斗門甲申次衛南有飛鳥止于峻堞之上鳴噪甚厲副使李璠曰將有不如意之事是

夜鄆州朱宣率步騎萬人襲朱友裕于斗門友裕拔軍南去乙酉帝晨救斗門不知友裕之退前至斗門者皆

爲鄆人所殺帝追襲鄆人至瓠河不及遂頓兵于村落問時朱宣尙在濮州丁亥遇朱宣率兵將歸于鄆遂來

衝擊帝策馬南馳爲賊所追甚急前後浚溝躍馬而過張歸厚援稍力戰于其後乃免時李璠與都將數人皆

爲鄆軍所殺五月丙午遣朱克讓率衆暴兗鄆之麥北夢瑣言梁祖親征鄆州軍次衛南時築新壘土工畢

因登眺其上見飛鳥止于峻堞之間而噪其聲甚厲副使李璠曰是鳥鳥也將有如意之事其前軍朱友裕

爲朱宣掩撲拔軍而去我軍不知因北行遇朱宣軍來迎梁祖策馬南走入村落間爲賊所迫前有溝坑頗極

深廣倉遽之際忽見溝內蜀黍稈積以爲道正在馬前遂騰躍而過因獲免焉副使李璠都將高行思爲賊所

殺張歸厚為殿騎援戈力戰僅得生還被冬友裕取濮

州遂攻徐州五代史南之烏先見之驗也冬友裕率兵攻濮州下

徐州二年四月龐師古克徐州殺時溥王如徐州以師古

為留後五代史二年四月丁丑師古下彭門梟時溥首

罕之上言懷孟降人報汴將龐師古於今月八日攻陷

徐州徐帥時溥舉族皆沒溫既下徐方詐請朝廷命帥

昭宗乃以兵部尚書孫儲為徐帥既遂攻兗郳五代史

而溫以他詞斥去自以其將鎮之

遣龐師古移兵攻兗駐于曲阜與朱瑾屢戰皆敗之十

二月師古遣先鋒葛從周引軍以攻齊州刺史朱威告

急于兗鄆既而朱宣乾寧元年二月王及朱宣戰于漁

山大敗之五代史乾寧元年二月帝親領大軍由鄆州

圖速戰帝整軍出寨時宣瑾已陣于前須臾東南風大

起我軍旌旗失次甚有懼色即令騎士揚鞭呼嘯俄而

西北風驟發時兩軍皆在草莽中帝因令縱火既而烟  
焰亘天乘勢以攻賊陣宣瑾大敗殺萬餘人餘衆擁入  
清河因築京觀于魚山之下駐軍數日而還北夢瑣  
言梁祖圖霸之初壽州刺史江彥溫以郡歸我乃遣親  
吏張從晦勞其勤而從晦無賴酒酣有飲徒何藏耀者  
與之偕甚昵每事誤稟從晦致命於郡彥溫大張樂邀  
不至乃與藏耀食於主將家彥溫果疑恐曰汴王謀我  
矣不然何使者之如是也乃殺其主將連誅數十人而  
以狀白其事既而又疑懼曰訴其心腹亡我族矣乃自  
縊而死梁祖大怒按其事腰斬從晦留藏耀裂其禁械  
斬於壽

春市

二年八月又敗宣于梁山十一月又敗之于鉅

野兗鄆求救于河東李克用發兵救之假道于魏既而

魏人擊之克用怒大舉攻魏羅宏信來求救遣葛從周

救魏是歲李克用封晉王

五代史二年正月癸亥遣朱友恭帥師復伐兗遂壅而圍

之未幾朱宣自鄆率步騎援糧欲入于兗友恭設伏以  
敗之盡奪其餉于高吳因擒蕃將安福順安福慶二月

已酉帝領親軍屯于單父以爲友恭之援四月濠壽二  
州復爲楊行密所陷是時太原遣將史儼兒李承嗣以  
萬騎馳入于鄆朱友恭遂歸于汴八月帝領親軍伐鄆  
至大仇遣前軍挑戰設伏于梁山以待之旣而獲蕃將  
史完府奪馬數百匹朱宣脫身遁去復入于鄆十月帝  
駐軍于鄆齊州刺史朱瓊遣使請降瓊卽瑾之從父兄  
也帝因移軍至兗瓊果來降未幾瓊爲朱瑾所紿掠而  
殺之帝卽以其弟玳爲齊州防禦使十一月朱宣復遣  
將賀瓊柳存及蕃將何懷寶等萬餘人以襲曹州庶解  
兗州之圍也帝知之自兗領軍策馬先路至鉅野南追  
而敗之殺戮將盡生擒賀瓊柳存何懷寶及賊黨三千  
餘人是日申時狂風暴起沙塵沸湧帝曰此乃殺人未  
足耳遂下令盡殺所獲囚俘風亦止焉翼日繫賀瓊等  
以示于兗帝素知瓊名乃釋之惟斬何懷寶于兗城之  
下乃班師十二月葛從周領兵復伐兗旣至與朱瑾戰  
于壘下殺千餘級擒其將孫漢筠已下二十人遂旋師  
三年五代史三年正月河東李克用旣破邠州欲謀爭  
霸乃遣蕃將張汚落以萬騎寨于河北之莘縣聲  
言欲救兗鄆魏博節度使羅宏信患之使來求援二月  
帝領親軍屯于單父會寒食帝乃親拜文穆皇帝陵于

碭留縣午溝里四月辛酉河東泛漲將壞滑城帝令決隄岸以分其勢為二河夾滑城而東為害滋甚是月帝遣許州刺史朱友恭領兵萬人渡淮以便宜

從事時黃鄂二州累遣使求援故有是行五月戰于洹水擒克用子落落送于魏殺之

五代史五月命葛從周統軍屯于洹水以備蕃軍六月李克用帥蕃漢諸軍營于斥邱遣其男落

落將鐵林小兒三千騎薄于洹水從周與戰大敗之生擒落落以獻克用悲駭請脩舊好以贖其子帝不許遂

執落落送于羅宏信斬之越七日我軍還屯陽留以伐鄆八月復

壁于洹水七月鳳翔李茂貞犯京師天子出居于華州

王請以兵赴難天子優詔止之又請遷都洛陽不許

五代史是時昭宗幸華州遣使就加帝檢校太師守中書令

四年正月龐師古克鄆州

王如鄆州以朱友裕為留後遂攻兗州朱瑾奔于淮南

以葛從周為兗州留後

五代史四年正月帝以洹水之師大舉伐鄆辛卯營于濟水之

師大舉伐鄆辛卯營于濟水之



次麗師古令諸將撤木爲橋乙未夜師古以中軍先濟聲振于鄆朱宣聞之棄壁夜走葛從周逐之至中都北擒宣并其妻男以獻尋斬汴橋下鄆州平乙亥帝入于鄆以朱友裕爲鄆州兵馬留後時帝聞朱瑾與史儼兒在豐沛間搜索糧饋惟留康懷英以守兗州帝因乘勝遣葛從周以大軍襲兗懷英聞鄆失守俄又我軍大至乃出降朱瑾史儼兒遂奔淮南兗海沂密等州平乃以葛從周爲兗州留後五月丁丑朱友恭遣使上言大破淮寇于武昌收復黃鄂二州八月陝州節度使王珙遣使來乞師是時珙弟珂實爲蒲帥迭相憤怒日尋干戈而珙兵寡故來求援帝遣張存敬楊師厚等領兵赴陝旣而與蒲人戰于猗氏大敗之通鑑考異梁太祖實錄四年正月復以洹水之師大舉伐鄆十五日辛卯營其西南河外麗師古命諸將撤木爲橋以圖宵濟癸巳前軍以心膂百人盜決河口甲午浮橋集水次乙未夜師古中軍先濟聲振壁內朱宣聞之奔壁走又編遣錄四年正月己卯朱宣兵少糧盡不敢出戰然深溝高壘難越也從周師古乃取清河內小舟採野葛草茅索之以爲巨纜乃於其古牆南建浮橋丙申功就我師渡橋朱宣奔遁九月攻淮南麗師古

出清口葛從周出安豐王軍屯于宿州楊行密遣瑾先

擊清口師古敗死從周亟返兵至于潁河瑾又敗之王

懼馳歸五代史九月帝以兗鄆既平將士雄勇遂大舉南征命龐師古以徐宿宋滑之師直趨清口葛

從周以兗鄆曹濮之衆徑赴安豐淮人遣朱瑾領兵以

拒師古因決水以浸軍遂爲淮人所敗師古歿焉葛從

周行及濠梁聞師古化元年五代史光化元年正月帝遣葛從周統諸將畧地于

山東遂次三月天子以王兼天平軍節度使五代史三月

于邢洛帝兼領天平軍四月遣葛從周攻晉之山東取邢洛磁

節度使餘如故五代史四月滄州節度使盧延彥爲燕軍所攻棄

三州城奔于魏魏人送于汴是月帝以大軍至鉅鹿屯

于城下敗晉軍萬餘衆于青山口俘馬千餘匹丁卯遣

從周分兵攻洛州斬刺史邢善益擒將五十餘人五月

己巳邢州刺史馬師素棄城遁去辛未磁州刺史袁奉

滔自剄而死五日之內連下三州因以葛從周兼邢州

昭義軍節度使襄州趙匡凝自其父德諲時來附匡凝

留後帝遂班師又與楊行密李克用通而其事泄七月遣氏叔琮康懷

英攻匡凝取其唐隨鄧三州會三異校定曰三異案唐書地理志唐州天祐三年

朱全忠徙治泌陽表更乞泌州則是天祐二年唐州舊名猶在至三年始更爲泌光化之初未常有泌州之名

今書爲泌匡凝請和乃止五代史是時襄州節度使趙匡凝聞帝軍有清口之敗密

則誤也附于淮夷七月帝遣氏叔琮率師伐之未幾泌州刺史趙璠越璠來降隨州刺史趙匡琳臨陣就擒十二

月李罕之以潞州來降二年五代史二年正月淮南楊行密舉全吳之衆精甲五

萬以伐徐州帝領大軍禦之幽州劉仁恭攻魏羅紹威

來求救王救魏敗仁恭于內黃五代史時幽州節度使劉仁恭大舉蕃漢兵號

十萬以伐魏遂攻陷貝州州民萬餘戶無少長悉屠之進攻魏州魏人來乞師帝遣朱友倫張存敬李思安等

先屯于內黃帝遂親征三月與燕軍戰于內黃北燕軍大敗殺二萬餘衆奔馬二千餘匹擒都將軍無敵已下

七十餘人通鑑云軍可及州是月葛從周自山東領其

鄉衆馳以救魏翼日乘勝諸將張存敬以下連破入寨遂逐燕軍北至于臨清擁其殘寇于四月遣氏叔琮攻

御河溺死者甚衆仁恭奔于滄州

晉太原不克五代史六月帝表丁會爲潞州節度使以李罕之疾亟故也又遣葛從周由固鎮路

入于潞州七月五代史七月王辰朔海州陳李克用取

以援丁會漢賓擁所部三千奔于淮南

澤潞五代史戊戌晉人陷澤州帝遣召葛從周于潞留賀德倫以守之未幾德倫爲晉人所逼遂棄潞而

歸繇是潞州復十一月保義軍亂殺其節度使王琪推

爲晉人所有其牙將李璠爲留後其將朱簡殺璠來降以簡爲保義軍節度使五代史十一月陝州都將朱簡殺三年四月

遣葛從周攻劉仁恭之滄州取其德州及仁恭戰于老

鷓隄大敗之

五代史三年四月遣葛從周以充軍滑魏

史傳公和于城上已亥進攻浮陽六月燕帥劉仁恭大

舉求援從周與諸將逆戰于乾寧軍老鷓隄大破之殺

萬餘人既其將佐馬慎交已下八月晉取洺州王如洺

州復取之五代史八月河東遣李進通襲陷洺州執刺

黃龍鎮親領中軍涉洺而寨晉人懼而宵遁洺州復平

場通鑑攻異編遺錄八月月中云前月二十五日上於毯

寇出攻洺州又七月二十五日賊風果於是時李進通領蕃

州來攻洺州八月乙丑發大軍救應之上尋亦自領衙

軍相繼北征翼日達滑臺軍前馳報洺州已陷刺史朱

紹宗因踰堞墮而是時鎮定皆附于晉遂攻鎮州破臨

傷足為賊所擒

城王鎔來送款進攻定州王郃奔于晉其將王處直以

定州降五代史九月帝以仁恭進通之入寇也皆繇鎮

定為其囊橐卽以葛從周為上將以伐鎮州遂

二十

攻下臨城渡溱洧以環其城帝親領軍繼至鎮帥王鎔懼納質請盟仍獻文綰二十萬以犒戎士帝許之十月晉人以帝宿兵于趙遂南下太行急攻河陽留後侯言與都將閻寶力戰固守僅而獲全十一月以張存敬爲上將自甘陵發軍北侵幽薊連拔瀛莫二郡遂移軍以攻中山定帥王郅以精甲二萬戰于懷德亭盡殪之郅懼奔于太原遲明大軍集于城下郅季父處直持印鑰乞降亦以綰帛三十萬爲獻帝卽以處直代郅領其鎮焉是月燕人劉守光赴援中山寨于易水之上繼爲康懷英張存敬等所敗斬獲甚衆繇是河朔知懼皆弭伏焉唐宦者劉季述作亂天子幽于東宮五代史是歲唐左軍中尉劉季述幽昭宗于東宮內立皇子德王裕爲帝仍遣其養子希度來言願以唐之神器輸于帝帝時方在河朔聞之遽還于汴大計未決會李振自長安使迴因言于帝曰夫豎刁伊戾之亂所以資霸者之事也今關豎幽辱天子王不能討無以令諸侯帝悟因請振復使于長安與時宰潛謀反正通鑑考異編遺錄上雖聞其事未知撫實但懷憤激丁未上離定州軍前十二月戊辰達大梁欲潛謀反正乃遣李振偵視其事振迴益詳其宜也

尋馳蔣元暉與崔允密圖大義又唐補紀自監國居  
位將及五旬牋表不來朝野驚虞亢旱時多虹蜺背瑞  
崔允覩其不祥便謀內變潛行書檄於關外播揚辭舌  
於街衢朱全忠封崔允檄書并手札等與季述云彼已  
翻覆早宜別圖無何季述以此書示於崔允曰比來同  
匡社稷却為鬪亂藩方不審相公何至於此允唯云無  
此事遭人反圖刻蠟僞名自古乃有軍容若行怪怒則  
乞俯存家族季述乃與言誓相保始終允其夜便致書  
謝全忠云昨以丹誠諮撓尊聽却蒙封示左軍劉公為  
人已知意旨今日與允設盟不相損害然遠託令公為  
主方應保全兼送女僕二人細馬兩匹全忠覽書大詬  
日劉季述我與伊同王事十二年兄弟之故特令報  
渠不能自謀却示崔相道我兩頭三面直是難容我若  
不殺此公不姓朱也乃擲於地囚其使者走一健步直  
申崔公從茲與天復元年正月護駕都頭孫德昭誅季  
大梁同謀大事

述天子復立封王為梁王

五代史天復元年正月乙酉朔唐宰相崔允潛使人以帝

密旨告于侍衛軍將孫德昭已下令誅左右中尉劉季  
述王仲先等即時迎昭宗于東內御樓反正癸巳降旨

進封帝為梁王酬反正之功也昭宗之廢也汴之邸吏  
程巖牽昭宗衣下殿帝聞之召巖至汴折其足送于長  
安杖殺之五代會要遣張存敬攻王珂于河中出舍  
天復元年正月封梁王

山下晉絳二州王珂求救于晉晉不能救乃來降五代  
史是

時河中節度使王珂結援于太原帝怒遣大將張存敬  
率將涉河絳含山路鼓行而進戊申攻下絳州王子晉

州刺史張漢瑜舉郡來降帝即以大將侯言權領晉州  
何綱權領絳州晉絳平已未大軍至河中存敬命繚其

垣而攻之王戊蒲人颺素幡以請降庚午帝至河中  
張存敬權領河中軍府事河中平帝乃東還是月李克

用遣牙將張特來聘請尋舊好帝亦遣使報命通鑑  
考異續寶運錄載全忠表云臣當道先是河府抽軍便

赴太原進討已累具狀分晰聞奏訖臣今月二十三  
部領牙隊到東都李克用差到專使張特與臣書一封

并馳馬弓箭銀器匹段等與臣通和其張特臣且與回  
書放歸訖當月河府抽回兵士即勒權於河陽屯駐見

排比收復潞州使邇邇赴太原進討次其李克用與臣  
書一封謹隨狀封進天復元年二月奏其年三月二日



表到三月大舉攻晉氏叔琮出太行取澤潞葛從周張

存敬侯言張歸厚及鎮定之兵皆會于太原圍之不克

遇雨而退

五代史三月癸未朔帝歸自河中是月遣大將賀德倫氏叔琮領大軍以伐太原叔琮等

自太行路入魏博都將張文恭自磁州新口入葛從周以充鄆之衆自土門路入洺州刺史張歸厚以本軍自馬嶺入定州刺史王處直以本軍自飛狐入晉州侯言自陰地入澤州刺史李存璋棄郡奔歸太原叔琮引軍逼潞州節度使孟遷乞降河東屯將李審建王周領步軍一萬騎二千詣叔琮歸命乃進軍趨太原四月乙卯大軍出石會關營于洞渦驛都將白奉國自井陘入收承天軍張歸厚引兵至遼州刺史張鄂迎降氏叔琮即日與諸軍至陽城下城中雖時出精騎來戰然危蹙已甚將謀遁矣會叔琮以芻糧不給遂班師通鑑考異編遺錄四月壬戌李克用遣張特齎書請尋權盟乃指揮諸軍所在且駐留見差發專人之太原許通權好兼并州地寒節候甚晚戎馬既多野五月天子以王兼河

草不足於芻牧尋令氏叔琮迴戈

五月天子以王兼河

中尹護國軍節度使

五代史五月癸卯昭宗以帝兼領護國軍節度使河中尹

北夢瑣

言唐薛廷珪少師右族名流仕於衰世梁太祖兵力日強朝廷傾動漸自尊大天下懼之孤卿爲四鎮官告使夷門客將劉翰先來類會恐申中外孤卿佯言不會謂謁者曰某無德安敢輒受令公拜竟不爲屈泊受禪之後勉事於梁而太祖優容之壽考而終也中間奉命冊蜀先主爲司徒館中舊疾發動蜀人送當醫人楊僕俾攻療之孤卿致書感謝其書未請借肩輿歸京尋醫蜀主訝之乃曰幸有方藥何不俟愈而行堅請且駐行軒公謂客將曰夜來問此醫官殊不識字安可以性命委之乎竟不服藥而北歸又梁太祖初兼四鎮先主遣押衙潘岢持聘聘岢飲酒一石不亂每攀謙飲禮容益莊梁祖愛之飲酣梁祖曰押衙能飲一盤器物乎岢曰不敢乃簇在席器皿次第注酌岢並飲之岢簪筍簪冠子稱謂其歸館多應傾瀉困卧俾人偵之岢簪筍簪冠子稱所得酒器滌而藏之他日又遣押衙鄭頊持聘梁祖問以劍閣道路頊極言危峻梁祖曰賢主人可以過得項對曰若不上聞恐誤令公軍機梁祖大笑此亦近代使令之美者也

明道雜志世傳朱全忠作四鎮時一日

與賓佐出游全忠忽指一方地曰此可建一神祠試召  
一視地工驗之而召工久不至全忠怒甚見于辭色左  
右皆恐良久工至全忠指地視之工再拜賀曰此所謂  
乾上龍尾地建廟固宜然非大貴人不見此地全忠喜  
薄賜而遣之工出賓僚或戲之曰爾若非乾上龍尾當  
坎下驢頭矣東北人謂斫伐曰坎爾若非乾上龍尾當  
梁祖之初兼四鎮也英威剛狠視之若乳虎左右小忤  
其旨立殺之梁之職吏每日先與家人辭訣而歸必  
相賀賓客對之不寒而慄進士杜荀鶴以所業投之且  
乞一見掌客對之有事聞於梁祖梁祖默無所報荀鶴住大  
梁數月先是凡有求謁梁祖如已通姓名而未得見者  
雖踰年困頓於逆旅中寒餓殊甚主者留之不令私去  
不爾卽公人輩及禍矣荀鶴逐日詣客次一旦梁祖在  
便聽謂左右曰杜荀鶴何在左右以現在客次爲對未  
見間有馳騎至者梁祖見之至巳午間方退梁祖遽起  
歸荀鶴謂掌客者曰某饑甚欲告歸公人輩爲設食且  
日乞命若大王出要見秀才言巳歸館舍卽某等求死  
不暇至未申間梁祖果出復坐於便聽令取骰子來既  
至梁祖擲意似有所卜擲且久終不愜旨怒甚屢顧左  
右左右怖懼縮頸重足若蹈湯火須臾梁祖取骰子在

手大呼鞋曰杜荀鶴擲之六隻俱赤乃連聲命屈秀才  
荀鶴爲主客者引入令趨驟至階陛下梁祖言曰秀才  
不合趨階荀鶴聲喏恐懼流汗再拜敘謝訖命坐荀鶴  
慘悴戰慄神不主體梁祖徐曰知秀才久矣荀鶴欲降  
陛拜謝梁祖曰不可於是再拜復坐梁祖顧視陛下謂  
左右曰似有雨點下令視之實雨也然仰首視之天無  
片雲雨點甚大雷陛簷有聲梁祖自起熟視之復坐謂  
杜曰秀才曾見無雲雨否荀鶴答言未曾見梁祖笑曰  
此所謂無雲而雨謂之天泣不知是何祥也又大笑命  
左右將紙筆來請杜秀才題一篇無雲雨詩杜始對梁  
祖坐身如在燃炭之上憂悸殊甚復令賦無雲雨詩杜  
不敢辭卽令坐上賦詩杜立成一篇絕獻之梁祖覽之大  
喜立召賓席共飲極歡而散且曰來日特爲杜秀才開  
一筵復拜謝而退杜絕句云同是乾坤事不同雨絲飛  
灑日輪中若教陰朗都相似爭表梁王造化功由是大  
獲見知杜旣歸驚懼成疾水瀉數十度氣貌羸絕幾不  
能起客司守之供侍湯藥若事慈父母明晨再有主客  
者督之且曰大王欲見秀才請速上馬杜不獲已巾櫛  
上馬比至凡促召者五七輩杜困頓無力心憂趨進遲  
緩梁祖自起大聲曰杜秀才爭表梁王造化功杜頓忘

其病趨步如飛連拜敘謝數四自是梁祖特帳設賓館賜之衣服錢物待之甚厚福建人徐黃下第獻過梁郊賦梁祖覽而器重之且曰古人酬文士有一字千金之語軍府費用多且一字奉絹一匹徐賦畧曰客有失意還鄉經於大梁遇郊垌之耆老問今古之侯王父老曰且說當今休論往昔昔時之事蹟誰見今日之功名目覩辭多不載遂留於賓館厚禮待之徐病且甚梁祖使人謂曰任是秦王漢武蓋誚徐賦有直論蕭史王喬長生孰見任是秦王漢武不死何歸憾其有此深切之句爾梁祖既有移龜鼎之志求賓席直言骨鯁之士一日忽出大梁門外數十里息於高柳樹下樹可數圍柯幹甚大可庇五六十人遊客亦與坐梁祖獨語曰好大柳樹徐徧視賓客注日久之坐客各各避席對曰好柳樹梁祖又曰此好柳樹好作車頭末坐五六人起對好作車頭梁祖顧恭翔等起對曰雖好柳樹作車頭須是夾榆樹梁祖勃然厲聲言曰這一隊措大愛順口弄人柳樹豈可作車頭須是夾榆木便順我也道柳樹好作車頭我見人說秦人指鹿爲馬有甚難事顧左右曰更待甚須臾健兒五七十人悉擒言柳樹好作車頭者數以諛佞之罪當面撲殺之梁祖雖起於羣盜安忍雄猜甚

於古昔至於剛猛英斷以權數御物遂成興王之業豈  
偶然哉五代史杜荀鶴池州人善爲詩辭句切理爲  
時所許旣擢第復還舊山時田頴在宣州甚重之頴將  
起兵乃陰令以箋問至太祖遇之頗厚及頴遇禍太祖  
以其才表之尋授翰林學士主客員外郎旣而恃太祖  
之勢凡搢紳間已所不悅者日屈指怒數將謀盡殺之  
苞蓄未及泄丁重疾旬日而卒唐詩紀事顧雲序其  
詩曰大順初皇帝命小宗伯河東裴公掌邦貢次二年  
遠者來隱者出異人倚士大集都下於羣進士中得九  
華山人杜荀鶴拔居上第諸生謝恩日列坐旣定公揖  
生謂曰聖上款文教未張思得如高宗朝射洪拾遺陳  
公作詩出沒二雅馳驟建安削苦澁僻碎畧淫靡淺切  
破艷冶之堅陣擒雕巧之會帥皆摧撞折角崩潰解散  
埽蕩詞場豁清文祲然後有戴容州劉隨州王江寧率  
其徒揚鞭按轡相與呵樂來朝於正道矣以生詩有陳  
體可以潤國風廣王澤故擢以塞詔意勉爲中興詩宗  
生謝而退明年寧親江表以僕故山偕隱者出詩三百  
篇見其雅麗激越之句能使貪吏廉邪臣正父慈子孝  
兄友弟悌人倫之紀備矣其壯語大言則決起逸發可  
左攬工部袂右拍翰林肩吞賈喻八九於胸中曾不蔓

介情動于中則極思冥博神遊希夷形兀枯木五聲勞  
於呼吸萬象貪於戲旌別淑慝史臣之職僕幸得爲之  
知人爲不誣矣於戲旌別淑慝史臣之職僕幸得爲之  
敘錄視其人齒尚壯才力未盡謳吟之興方酣俟其繼  
作得如周頌者目之爲唐風集碧溪詩話荀鶴朱梁  
時作髮時世吟十首錄其二云夫因兵亂守蓬茅麻苧  
衫髮焦桑柘廢來猶納稅田園荒盡尚征苗時挑野  
萊和根煮旋斫生柴帶葉燒任是深山更深處也應無  
計避征徭入十衰翁住破村村中年落不堪論因供寨  
木無桑柘爲點鄉兵絕子孫還是昇平催賦稅未曾州  
縣畧安存至今雞犬皆星散月落西山哭倚門北夢  
瑣言唐杜荀鶴嘗遊梁獻太祖詩三十章皆易曉也因  
厚遇之泊受禪拜翰六月五代史六月庚申帝發自大  
林學士五日而卒梁丁卯視事于河中以素服  
出郊拜故節度使王重榮墓尋辟其子瓚爲節度判官  
請故相張審爲重榮換碑帝自中和初歸唐首依重榮  
至是思其舊德晉取慈隰五代史七月甲自劉季述等  
故恩禮若是寅帝東還梁邸

已誅宰相崔允外與梁交欲假梁兵盡誅宦者而鳳翔

李茂貞邠寧王行瑜等皆遣子弟以精兵宿衛天子宦者韓全誨等亦因恃以爲助天子與允計事宦者屬耳頗聞之乃選美女內之宮中陰令伺察其實久之果得允奏謀所以誅宦者之說全誨等大懼日夜相與涕泣思圖允以求全允知謀泄事急卽矯爲制召梁兵入誅宦者十月王以宣武宣義天平護國兵七萬至於河中取同州遂攻華州韓建出降全誨等聞梁王兵且至卽以岐邠宿衛兵劫天子奔于鳳翔通鑑考異唐補紀其月入日李茂貞朝覲留二千人在右街侍衛而回崔允中朱全忠請三千人在南坊宅側安下鳳翔劫駕西去朱全忠又闇以車子載器仗稱是紬絹進奉推車子人皆是官健入崔允宅中人心驚惶不同前後崔允累差人喚召朱全忠不到



王乃上書言允所以召之之意天子怒罷允相責授工

部尚書詔梁兵還鎮

通鑑考異唐太祖紀年錄會汴入寇同華宦者知崔允之謀時允專

掌三司泉貨韓全誨教禁兵伺允出聚而呼噪訴以冬

衣戒損軍人又上前控訴天子狗衆情罷崔允知政事

崔允怒急召朱溫

王引兵去

通鑑考異金鑒記十七日早聞岐師昨夜二更却迴

請以兵師入輔

云軍人勅汴令有表迎駕并述行止汴軍在岐東下寨

十八日十九日白麻盧光啟可御史大夫參知機務二

十日翰林學士姚洎兼知外制詰二十四日汴攻邠州

令有表奉辭東去二十五日汴軍離發延英門

屯于三原邠州節度使楊崇本以邠寧慶衍四州降崔

允奔于華州

五代史十月戊戌奉密詔赴長安是時朝

中尉袁易簡周敬容爲樞密使是時軍國大政專委宰

相崔允每事裁抑宦官宦官側目允一日于便殿奏欲

盡去之全誨等屬垣聞之嘗于昭宗前祈哀自訴自是

昭宗勅允每有密奏令進囊封全誨等乃訪京城美婦

人十數以進使求官中陰事昭宗不悟允謀漸泄中官  
視允皆裂以重賂甘言誘藩臣以爲城社時因譙聚則  
相向流涕時允掌三司貨泉全誨等教禁兵伺允出聚  
而呼譟訴以冬衣減損又于昭宗前訴之昭宗不得已  
罷允知政事允怒急召帝請以兵入輔故有是行戊申  
行次河中同州雷後司馬鄴華之幕吏也舉郡來降辛  
亥駐軍于渭濱華帥韓建遣使奉箋納欵又以銀三萬  
兩助軍是日行次零口癸丑聞長安亂昭宗爲閣官韓  
全誨等劫遷西幸鳳翔蓋避帝之兵鋒也翼日遂命旋  
師夕次于赤水乙卯大軍集于華州城下韓建惶駭失  
措卽以城降丙辰帝表建權知忠武軍事促令赴任同  
華二州平是時唐太子太師盧知猷等二百六十三人  
列狀請帝速請迎奉已未遂帥諸軍發自赤水壬戌次  
于咸陽偵者云天子昨暮至岐山旦日宋文通扈蹕入  
其闕矣是時岐人遣大將符道昭領兵萬人屯于武功  
以拒帝帝遣康懷英敗之擄甲士六千餘衆乙丑次于  
岐山文通遣使奉書自陳其失請帝入覲丙辰入岐闕  
文通渝約閉壁不獲通復次于岐山是時昭宗累遣使  
齎朱書御札賜帝遣帝收軍還本道帝診之曰此文  
通全誨之謀也皆不奉詔癸酉飛章奉辭且移軍北伐

乙亥至邠州節度使李繼徽舉城降繼徽因請去文通  
所賜李姓復本宗楊氏又請納其帑以爲質而皆從之  
仍易其名曰崇本邠州平己丑唐丞相崔允  
京兆尹鄭元規至華州以速迎奉爲請許之  
二年春王

退軍于河中晉攻晉絳遣朱友寧擊敗晉軍于蒲縣取

汾慈隰五代史二年正月帝復次于武功岐人堅壁不  
下乃迴軍于河中二月間晉軍大舉而下聲言

來援鳳翔帝遣朱友寧帥師會晉州刺史氏叔琮以禦  
之帝以大軍繼其後三月友寧叔琮與晉軍戰于晉州  
之北大敗之生擒克用男廷鸞帝喜謂左右曰遂圍太  
此岐人之所持也今旣如此岐之變不久矣

原不克而還汾慈隰復入于晉通鑑考異梁太祖實錄  
三月癸丑虜衆悉出友

寧以飛騎犯其左右翼虜大敗北掩殺不知其數擒克  
用男廷鸞及將校健卒數人又實錄朱友寧圍太原

營西北隅攻其西門城內大恐克用欲奔雲中弟克寧  
止之及遣李嗣昭與克用子存勗日夜援賊營友寧乃

燒營而遁又唐補紀昭宗自鳳翔遣金吾將軍李儼  
齎御札自巫峽間道潛行宣告吳王楊行密爲討伐逆

賊朱全忠事李儼者宰臣張濬男其張濬先為都統討太原退軍朝貶韓建力救不赴貶所只在三峯其男留行在乃授金吾將軍昭宗差來宣告於吳四月友寧引王行密朱全忠探知張濬一門盡遭殺戮

兵西至興平及李茂貞戰于武功大敗之王兵犯鳳翔茂貞數出戰輒敗遂圍之五代史四月岐人遣符道昭驍騎敗之丁酉唐丞相崔允自華來謁帝屢述艱運危急事不可緩又慮羣閣擁昭宗幸蜀且告帝帝為動容允將辭啟宴于府署帝舉酒允情激于衷因自持樂版聲曲以侑西帝甚悅座中以良馬珍玩之物資既行命諸將繕戎具五月丁巳帝復西征六月丁丑次于虢縣癸未與岐軍大戰自辰至午殺萬餘衆擒其將校數百人乘勝遂逼其壘七月丙午岐軍復出求戰帝軍不利是月遣孔勅帥師取鳳隴成三州皆下之是時岐人相率結寨于諸山以避帝軍帝分兵以討浹旬之內并平之九月甲戌帝以岐軍諸寨連結稍盛因親統千騎登高診之時秋空澄霽烟靄四絕忽有紫雲如繖蓋疑于龍旌之上久之方散觀者咸訝之是時帝以岐人堅壁

不戰且慮師老思欲旋旆以歸河中因密召上將數人語其事時親從指揮使高季昌獨前出抗言曰天下雄傑窺此舉者一歲矣今岐人已困願少俟之帝嘉其言因曰兵法貴以正理以奇勝者詐也乘機集事必由是乎乃命季昌密募人入岐以紿之尋有騎士馬景堅應命且曰是行也必無生理願錄其孥帝悽然止其行景固請乃許之明日軍出諸寨屏匿如無人景因躍馬西走直叩岐閫詐以軍怨東遁爲告且言列寨尚留萬餘人俟夕將遁矣宜速掩之李茂貞信其言遽啟二扉悉衆來寇時諸軍以介馬待之中軍一鼓百營俱進又分遣數騎以據其圍岐人進不能駐其趾退不能入其壘殺戮蹂踐不知其數茂貞繇是喪膽但閉壁而已北夢瑣言軍容使韓全誨以駕幸鳳翔李茂貞比懷挾帝以令諸侯之意懼朱全忠之盛也西川王公建亦有此慮乃結汴州同起軍助其迎駕汴軍傅城川軍乃攻興元其帥王萬洪以無救援遂降成都由是山南十四州並爲蜀有方變謀却助鳳翔於時命掌書記韋莊奉十使至軍前朱公大怒自此與西川失歡而汴州軍罷十一月鄜坊李周彝以兵救鳳翔王遣孔勅襲鄜州虜周

彝之族徙于河中周彝乃降

五代史十一月癸卯鄜帥

岐之北原與城中舉烽以相應翼日帝以周彝既離本

部鄜時必無守備因命孔勅乘虛襲下之甲寅鄜州平

周彝聞之收軍而遁冊府元龜後唐李茂勲唐末為

鄜州節度使梁太祖襲鄜州茂勲遂歸於梁改名周彝

署元帥府行軍司馬五代史孔勅字鼎文兖州人後

徙家宿州少便騎射為軍中小校事梁祖漸至郡守累

遷齊州防禦使唐鄧節度使梁貞明中王球據襄州叛

勅討平之因授山南東道節度使莊宗至洛陽勅自鎮

來朝復令歸鎮尋移昭義節度使同光季年監軍楊繼

源與鄆將謀據潞州事泄勅誅之明宗即位之歲詔還

京師授河陽節度使未幾以太子太師致仕卒年七十

九贈太尉又孔知濬字秀川徐州滕縣人故太子太

師致仕勅之猶子也父延絨左武衛大將軍致仕年九

十餘卒知濬仕梁為天興軍使同光末勅鎮昭義時莊

宗用唐朝故事以黃門為監軍皆恃恩暴橫節將不能

制明宗鄆城之變諸鎮多殺監軍時監潞者懼誅欲誘

鎮兵謀變知濬伏甲于室凌晨監軍來謁執而殺之軍

城遂寧明宗嘉之泊勅罷鎮以知濬為澤州刺史入為

左驍衛大將軍長興清泰中歷唐復成三郡刺史晉高祖卽位用爲奉國右廂都指揮使領舒州刺史從征范延光于鄴遷宿州團練使俄改隴州防禦使開運中移刺鳳州累官至檢校太傅河池據關防之要密邇邛蜀兵少勢孤知濬撫士得宜人皆盡力故西疆無牧圉之失契丹主稱制署滑州節度使漢祖受命自鎮入朝隱帝嗣位授密州防禦使踰歲以疾受代歸朝廣順三年冬卒于京師通鑑考異金鑾記五月三日岐馬步軍敗迴戈傷中不少入日問四面百姓盡搬移入城內二十一日日問汴帥又至橫渠二十四日問汴帥至城南十里汴帥至石鼻又至橫渠六月丁丑暨虢縣辛未文通帥兵驟出梁太祖實錄六月丁丑暨虢縣辛未文通帥兵驟出布陳俟敵我之將卒躍進決鬪始辰暨午寇大敗屍仆萬餘人命諸軍徙寨逼其壘自是岐人繼出師靡不喪軀六月乙亥上以盤屋有博野軍與岐人往來以窺我命李暉討平丙戌復遣孔勅領兵由大散關取鳳州又編遺錄十二月癸酉遣孔勅李暉領兵襲鄜州以牽李周彝之兵己亥我師攻陷鄜牆獲周彝親族遂令李暉權知鄜州軍事不數日周彝乃遣幕賓投分通好然後上許抽兵又梁太祖實錄十一月癸卯鄜帥李

周彝統州兵馮餘人屯於老聘祠之下上命孔勅李暉

乘虛襲取之士子勅等破中部郡甲寅大雨雪大軍冒

之夕進五鼓定時岐兵屢敗而圍久城中食盡自天子

至後宮皆凍餒五代史茂貞既失鄜州之援愕然有瓦

焉三年正月茂貞殺韓全誨等二十人囊其首示梁軍

約出天子以爲解甲天子出幸梁軍遣使者馳召崔允

允託疾不至王使人戲允曰吾未識天子懼其非是子

來爲我辨之天子還至興平允率百官奉迎王自爲天

子執轡且泣且行行十餘里止之見者咸以爲忠五代史三

年正月甲寅岐人啟壁唐昭宗降使宣問慰勞兼傳密

旨尋又命翰林學士韓偓趙國夫人寵顏齋詔押賜帝

紫金酒器御衣玉帶丙辰華州畱後李存審遣飛騎來

告青州節度使王師範遣牙將張厚輦甲冑弓槊詐言



來獻欲盜據州城事覺已擒之矣是日師範又遣其將  
劉鄩盜據兗州丁巳昭宗遣中使押送軍容使韓全誨  
已下三十餘人首級以示帝甲子昭宗發離鳳翔幸左  
劍寨權駐蹕帝營帝素服待罪昭宗命學士傳宣免之  
帝卽入見稱罪拜伏者數四旣而促召升殿密邇御座  
且曰宗廟社稷是卿再造朕與戚屬是卿再生因解所  
御玉帶面以賜帝帝亦以玉鞍勒馬金銀器紋錦御饌  
酒菓等躬自拜進焉及翠華東行帝匹馬前導十餘里  
宣令止之已巳昭宗至長安謁太廟御長樂樓禮畢謂  
帝曰朕生入舊京是卿之力也自古救君之危曾無有  
如是者况今日再及清廟得親奉觴酒奠于先皇帝室  
前卿之德朕知不能報矣卽召帝執手聲淚俱發者久  
之北夢瑣言汴帥朱公再圍鳳翔與茂貞軍戰於虢  
縣西槐林驛大敗岐軍橫屍不絕鮑氣聞於十里昭宗  
遂殺宦官韓全誨已下二十二人宣示茂貞亦斬其義  
子繼筠首以送於是車駕還宮朱公俛首馬前請罪涕  
泣攏帝馬行千步帝爲之動容至京師以宰相崔允判  
六軍乃下詔誅宦官第五可範以下七百一十人又鳳  
翔駕前宰相盧光啟等已巳天子至自鳳翔五代史闕  
一百餘人並賜自盡

太祖迎昭宗於鳳翔素服待臯昭宗佯爲鞵系脫呼梁  
祖曰全忠爲吾繫鞵梁祖不得已跪而結之流汗浹背  
時天子扈蹕尚有衛兵昭宗意謂左右擒梁祖以殺之  
其如無敢動者自是梁祖被召多不至盡去昭宗禁衛  
皆用汴人矣臣謹按梁祖以天復三年迎唐昭宗於岐  
下歲在甲子其年改天祐至國初建隆庚申歲纔五十  
六年矣然則乾德七十歲人皆目覩其事蓋唐室自懿  
宗失政天下亂離故武宗以下實錄不傳於世昭宗一  
朝全無記注梁祖在位止及六年均帝朝詔史臣修梁  
祖實錄岐下繫鞵之事耻而不書晉天復中史臣張昭  
重修唐史始有昭宗本紀但云卽位之始有會昌之風  
岐陽事迹不能追補此亦明唐昭宗有英睿之氣而運  
衰不振又明左右無忠義奮發之臣致梁祖得行其志  
有所警戒不可不書唐據言韓偓天復初入翰林其  
年冬車駕出幸鳳府偓有扈從之功反正初上面許爲  
相奏云陛下運契中興當復用重德鎮風俗臣座主右  
僕射趙崇可以副陛下是選乞迴臣之命授崇天下幸  
甚上嘉歎翌日制用崇暨兵部侍郎王贊爲相時梁太  
祖在京素聞崇之輕佻贊復有嫌覺馳入請見於上前  
具言二公長短上曰趙崇是偓薦時偓在側梁主叱之

倅奏曰臣不敢與大臣爭上曰韓倅出尋謫官入閩故  
倅有詩曰手風慵展入行書眼暗休看九局圖窗裡日  
光飛野馬案前筠管長蒲盧謀身拙爲安蛇足報國危  
曾持虎鬚舉世可能無默識未知誰擬試齊竿韻語  
陽秋韓倅香奩集百篇皆艷詞也沈存中筆談云乃和  
疑所作疑後貴梅其少作故嫁名於韓倅爾今香奩集  
有無題詩序云余辛酉年戲作無題詩十四韻故奉常  
王公內翰吳融舍人令狐渙相次屬和是歲十月一旦  
兵起隨駕西狩文藁咸棄丙寅歲在福建有蘇曄以藁  
見授得無題詩因追咏舊詩闕忘甚多予按唐書韓倅  
傳倅嘗與崔嗣定策誅劉季述昭宗反正爲功臣與令  
狐渙同爲中書舍人其後韓全誨等劫帝西幸倅夜追  
及鄆見帝慟哭至鳳翔遷兵部侍郎天祐二年挈其族  
依王審知而卒以紀運圖考之辛酉乃昭宗天復元年  
丙寅乃哀帝天祐二年其序所謂丙寅歲在福建有蘇  
曄授其藁則正依王審知之時也譜之於傳與序無一  
不合者則集韓倅所作無疑而筆談以爲和凝嫁名於  
倅特未攷其詳耳筆談云倅又有詩百篇在其四世孫  
奕處見之豈非所謂舊詩之闕忘者乎因學紀聞韓  
倅自書裴郡君祭文首書甲戌歲銜書前翰林學士承

旨銀青光祿大夫行尚書戶部侍郎知制誥昌黎縣開  
國男食邑三百戶韓某是歲朱氏篡唐已八年爲乾化  
四年猶書唐故官而不用梁年素服哭于太廟而後入  
號慶厯中詔官其四世孫奕  
殺宦者七百餘人五代史翼曰誅宦官第五可範等五  
業見聞錄曰崔慎由以元和元年登第至開成已入翰  
林因寓直之夕二更以來有中使宣召引入數重門至  
一處堂宇華煥簾幕俱垂見左右二廣燃蠟而坐謂慎  
由曰上不豫來已數日兼自登極後聖政多虧今奉太  
后中旨命學士草廢立令慎由大驚曰某有中外親族  
數千口列在搢紳長行兄弟甥姪僅三百人一旦聞此  
覆族之言寧死不敢承命況聖上高明之德覆於八荒  
豈可輕議二廣默然無以爲對良久啟後戶引慎由至  
一小殿見文宗坐於殿上二廣徑登階而疏文宗過惡  
上唯俛首又曰不爲此拗木枕措大不合更在此坐矣  
街談以好拗爲拗木枕仍戒慎由曰事泄卽是此措大  
也於是二廣自執炬送慎由出遂殿門復令中使送至  
本院慎由尋以疾出翰林遂金滕其事付允故允切於  
勦絕北司者由此也誅北司後允方彰其事北夢瑣

言唐昭宗以宦官怙權驕恣難制常有誅翦之意宰相崔允嫉忌尤甚上勅允凡有密奏當進囊封勿於便殿啟奏以是宦者不之察韓全誨等乃訪京城美婦人數十以進求官中陰事天子不之悟允謀漸泄中官以重賂甘言請藩臣以爲城社視崔允皆裂時因伏臘燕聚則相向流涕辭旨訣別會汴人寇同華知崔允之謀於是韓全誨引禁軍陳伏兵逼帝幸鳳翔他日崔允與梁祖叶謀以誅閹宦未久禍亦及之庚午絕滅識者歸罪於崔允先是其季父安潛嘗謂親知曰滅吾族者必緇兒也緇兒卽允小字河東晉王李克用聞允所爲謂賓友曰助賊爲虐者其崔允也二月甲戌天子賜王回天再平破國亡家必在此人也

造竭忠守正功臣以輝王祚爲諸道兵馬元帥王爲副

元帥王乃留子友倫爲護駕指揮使

會三異校定曰三異案家人傳友倫

乃王兄存之子其後中書上議亦皆謂之皇姪

以爲天子衛

五代史三月庚辰制以帝爲守太尉

兼中書令宣武宣義天平護國等軍節度使諸道兵馬副元帥加食邑三千戶實封四百戶仍賜回天再造竭

忠守正功臣唐會要天復三年二月以宰相崔允守

司徒兼侍中判六軍十二衛四月崔允奏六軍十二衛

名額空存實無兵士京師侍衛亦籍親兵請每軍召募

一千六百共置九千六百人從之乃令六軍副使京兆

尹鄭元規引兵東歸天子餞于延喜樓賜楊柳枝五曲

立格召募五代史戊戌帝建旆東還昭宗御延喜樓

送之既醉遣內臣賜帝御製楊柳詞五首初梁兵已西

青州王師範遣其將劉鄩襲據梁兗州通鑑考異唐太

祖紀年錄是年

四月青州帥王師範將劉鄩竊據兗州同日師範將張

厚輦戈甲十乘至華州為華人所詰因竊發燔其郭殺

華州指揮使王已還梁四月如鄆州遣朱友寧攻青州

婁敬思而去

師範敗之于石樓友寧死九月楊師厚敗青人于臨朐

取其棣州師範以青州降而鄩亦降五代史三月戊午

朱平命軍士休澣以俟東征四月丙子巡師于臨朐亟

命逼其城與青州兵戰于城下大敗之是夕淮將王景

命逼其城與青州兵戰于城下大敗之是夕淮將王景

命逼其城與青州兵戰于城下大敗之是夕淮將王景

命逼其城與青州兵戰于城下大敗之是夕淮將王景

仁以所部援軍宵遁帝遣楊師厚追及輔唐殺千人乘  
勝攻下密州八月戊辰以伐叛之柄委于楊師厚帝乃  
東還九月癸卯師厚率大軍與王師範戰于臨朐青軍  
太敗殺萬餘人并擒師範弟師克卽時徙寨以逼其城  
辛亥偏將劉重霸擒棣州刺史邵播來獻播師範之謀  
主也帝命斃之戊午師範舉城請降青州平翼日分命  
將校畧地于登萊淄棣等州皆下之繇是東漸至海皆  
爲梁土也帝復命師範權知青州軍州事師範乃請以  
錢二十萬貫犒軍帝許之又劉康父壽州安豐縣人  
也以農桑爲業唐乾符中關東羣盜並起江淮間徧羅  
其苦因爲巢黨所掠康父沉默有膂力善用矛槊然不  
樂爲暴中和三年從太祖親軍襲巢破蔡斬獲尤多累以  
甲夷險無憚其後累典親軍襲巢破蔡斬獲尤多累以  
戰功遷元從都將從太祖親軍襲巢破蔡斬獲尤多累以  
尤善于營壘充諸軍壕寨使及太祖盡下三鎮議其功  
奏加檢校右僕射兼領軍衛等遷密州刺史政甚簡靜  
時王師範叛據青州乞師于淮夷淮人遂攻密州密兵  
素少執銳者不滿千夫而淮賊踰萬康父率老弱守陣  
自別領少壯日與接戰于密之四郊俘擒千計賊知密  
州虛弱援兵未至晝夜急攻遂陷康父爲賊所害又

盧曾字孝伯其先范陽人也頗好書有所執守始爲齊州防禦使朱瓊從事瓊降預其謀與之偕來瓊沒太祖辟爲宣義幕職曾性忠狷好慤直又不能取容于衆每勲府譙語稍洽曾率然糾正輒又忤旨左長直軍使劉捍委任方重曾亦不能平冀王友謙初定陝府命曾往議事有使院小將從行嗜酒荒逸過度曾復命欲發其罪致疏于袖中累日未果言小將恐事泄先誣告曾使酒幾敗軍事劉捍因證之由是罷職歸于齊之別墅俄而王師範起兵叛太祖促召曾謂之曰子能援頰說青州使無背盟吾不負子矣曾持檄以往既至青師範囚之送于淮南遇害後太祖暴師範之罪曰喪我骨肉殺我賓僚遂族誅之因召曾二子皆授以官通鑑考異唐太祖紀年錄師範之舉兵也朱溫令朱友寧討之三月己酉朱溫至汴州大舉魏博四鎮之衆十萬擊師範朱友寧楊師厚攻博興旬餘不下攻城之衆死者大半俄而朱溫至大怒斬其主將復起土山翌日而拔城中無少長皆屠之仍毀其垣四月進陷臨淄傳青州別將攻北海渡膠水寇登萊等郡又梁太祖實錄四月丙子上至鄆領事辛卯從子友寧帥師破青州之博昌臨淄二邑殺戮五千餘衆暨北海焉又編遺錄五月辛



亥却離厯下宿豐齊驛甲寅上到汶陽乙卯奏王師範  
逆狀己未上又往厯下壬戌上以兵士攻取博昌寨下  
少樹木時當炎毒却勒親從騎兵皆歸齊州因又前行  
夜將半客將劉捍謀曰捍請馳赴軍前傳諭上意敦將  
士令戮力速攻必可克矣今請上却歸厯下上悅而從  
之便令捍馳騎束往上乃西歸汶陽丙寅捷音至攻拔  
博昌盡戮其黨矣又梁太祖實錄九月癸卯楊師厚  
勦衆決鬪青人大敗北走殺戮一萬人擒師範弟師克  
翌日東萊郡遣州兵泊土團五千人將援青嶺我師邀  
截剪撲無一二存焉卽時徙寨逼其閭闔又編遺錄  
冬十月丁卯揚師厚繼告捷於臨朐北及青州四面累  
殺賊黨擒斬頗衆至十一月萊州刺史王師克領六千  
人欲徑入青邱助其守禦友倫擊鞠墮馬死王怒以爲  
師厚伏兵邀之殺戮將盡友倫擊鞠墮馬死王怒以爲  
崔允殺之遣朱友謙殺允于京師會三異校定曰三異  
朱友謙其與友倫擊鞠者皆殺之五代史十月辛巳護  
非友謙因擊鞠墮馬卒于長安計至帝大怒以爲唐室大臣欲  
謀叛已致友倫暴死十一月丁酉青將劉鄒舉兗州來

降鄆王師範之將也師範令竊據兗州久之及聞師範降鄆乃歸命帝以鄆善事其主待之甚優尋署爲元帥府都押牙權知鄆州留後天祐元年正月己酉帝發自大梁西赴河中京師聞之爲之震懼是時將議迎駕束幸洛陽慮唐室大臣異議帝乃密令護駕都指揮使朱友諒矯昭宗命收宰相崔允京兆尹鄭元規等殺之通鑑考異唐太祖紀年錄及事權旣失知朱溫懷篡奪之志慮一朝禍發與國俱亡因圖自安之計與朱溫外貌相厚私心漸異與元規密爲計畫倍招兵數繕治鎧甲朝夕不止朱溫察之乃陰令部下驍果數千紿爲散卒於京師應募允每口教閱弓弩梁卒僞示怯懦或倒弓背矢有若不能允莫之識俄而朱友倫打球墜死溫愈不悅又聞允欲挾天子出幸荆襄溫乃抗言允將交亂天下傾覆朝廷宜急誅之無令事發天子將罷允知政事貶太子賓客鄭元規循州司戶事未行溫子友諒引兵攻允詰旦擒之又攻鄭元規於京府擒之崔鄭俱獻首自天子奔華州王請遷都洛陽雖不許而王命河岐下自天子奔華州王請遷都洛陽雖不許而王命河南張全義修洛陽宮以待五代史又邠岐兵士侵逼京畿帝因是上表堅請昭宗幸

洛昭宗不得已而從人帝乃率諸道天祐元年玉海律

唐昭宗或正月王如河中遣牙將寇彥卿如京師請遷

都洛陽并徙長安居人以東天子行至陝州王朝于行

在先如東都通鑑考異梁實錄丁巳詔以今月二十一

宗發自秦雍甲子暨華州二月丁卯上至河中乙亥天

子駐蹕陝郡翼日上來觀於行在編遺錢正月丁酉上

聞闕下人心不逞遂往河中以密都邑動靜已酉離梁

園行至汜水聞崔允死是時皆言崔允以下潛諫帝不

令東遷雒陽又密與岐鳳交通及斯禍也泊上至蒲津

帝謀東幸決取二十一日屬車離長安是日丁巳王鑾

東指癸亥到甘棠二月乙亥上離河中丁丑到陝郊戊寅朝欲躬往洛下催促百工壬辰朝辭明日東邁唐太祖紀年錄丁巳下詔與梁實錄同又曰壬戌昭宗發長安遷幸洛陽丁卯車駕次華州乙亥駐蹕陝州丙子朱溫自汴州迎覲見已先發自此人使相望於路請駕早行幸洛陽唐年補錄丁巳帝御延喜樓全忠迎扈表至

及還宮至暮全忠已移書宰臣裴樞促百官東行是日  
下詔與梁實錄同尋以張延範爲御營使便毀拆宮室  
沿河而下仍起豪民從行貧者亦繼焉車駕以其月二  
十三日已未至華州二月丙寅車駕駐陝郊玉堂閒  
話太祖觀昭宗昭宗開宴坐定伶倫百戲在焉俳恒  
聖先祝帝德然後說元勳梁王之功業曰我元勳梁  
王五百年間生之賢九優太史胡趙夜曰灼然如此  
太祖但笑而已昭是時六軍諸衛兵已散亡其從以東  
宗不懌如無奈何者小黃門十數人打毬供奉內園小兒等二百餘人行  
至穀水王教醫官許昭遠告其謀亂悉殺而代之然後  
以聞由是天子左右皆梁人矣五代史二月乙亥昭宗駐蹕于陝帝自河中來  
觀謁見行營因灑涕而言曰李茂貞等竊謀禍亂將迫乘輿老臣無狀請陛下東遷爲社稷大計也昭宗命延于寢室見何皇后面賜酒器及衣物何后謂帝曰此後大家夫婦委身于全忠矣因歔歔泣下後數日帝開宴

于陝之私第請駕臨幸翼日帝辭歸洛陽昭宗開內宴  
時有宮人與昭宗附耳而語韓建躡帝之足帝遽出以  
爲圖已因連上章請車駕幸洛三月丁未昭宗制以使  
兼判左右神策及六軍諸衛事是時昭宗累遣中使及  
內夫人傳宣謂帝曰皇后方在草蓐未任就路欲以十  
月幸洛帝以陝州小藩非萬乘久留之地期以四月內  
東幸閏月丁酉昭宗發自陝郡壬寅次于穀水是時昭  
宗左右唯小黃門及打毬供奉內園小兒二百餘人帝  
猶忌之是日密令醫官許昭遠告變乃設饌于別幄名  
而盡殺之皆坑于幕下先是選二百餘人形貌大小一  
如內園人物之狀至是使一人擒二人縊于坑所卽蒙  
其衣及戎具自飾昭宗初不能辨久而方察自是昭宗  
左右前後皆梁人矣北夢瑣言天復三年汴人擁兵  
殺宰相崔允京兆尹鄭元規劫遷車駕移都東洛旣入  
華州百姓呼萬歲帝泣謂百姓曰百姓勿唱萬歲朕勿  
能與爾等爲主也公路有思帝鄉之詞乃曰紇干山頭  
凍殺雀何不飛去生處樂況我此行悠悠未知落在何  
所言訖泣然流涕行至陝府內宴皇后自捧金盞玉盃  
以賜全忠內人唱歌全忠將飲酒韓建躡其足全忠懼  
辭而退至穀水而殺內人可證及隨駕五百人自是帝

孤立四月甲辰天子至自西都五代史甲辰車駕至洛

宮乙卯昭宗以帝為宣武宣義護國忠武四鎮節度使

時帝請以鄆州授張全義故有此命五月丙寅昭宗宴

羣臣曰昨來御樓前一夜亡失赦書賴梁王收得副本

不然誤事宰執不得無過矣是日宴次昭宗入內召帝

于內殿曲宴帝不測其事不敢奉詔又曰卿不欲來即

令敬翔入來帝密遣翔出乃止已已奉辭東歸通鑑

考異編遺錄戊申鑾輿初到洛都經費甚廣況國用未

豐庶事草創因刪畧冗司局今後除畱宣徽等九使

外餘並停廢仍不差內中夫人充使唐據言許畫者

唯陽人也薄攻五字詩天復四年大駕東幸駐蹕甘棠

畫于此際及第梁太祖長子號大卿郎君者嘗與畫屬

和畫以卿為奧主隨駕至洛下攜同年數人醉於梁祖

私第因折牡丹十許朶主吏前白云凡此花開落皆籍

其數申令公秀才奈何恣意攀折畫慢罵久之主吏銜

之潛遣一介馳報梁祖梁祖聞之頗睚眦獨命械畫而

獻於時大卿竊知間道先遣使至畫遂亡命河北莫知

所止北夢瑣言唐昭宗劫遷百官蕩析名娼妓兒皆

為強諸侯有之供奉彈琵琶樂工號關別駕小紅者小

名也梁太祖求之既至謂曰爾解彈陽下采桑乎關伶  
俛而奏之及出又爲親近者俾其彈而送酒由是失意  
不久而殂復有琵琶石湊者號石司馬自言早爲相國  
令狐公見賞俾與諸子渙激連水邊作名也亂後入蜀  
不隸樂籍多遊諸大官家皆以賓客待之一日會軍校  
數員飲酒石湊以胡琴擅場在坐非別音者喧譁語笑  
殊不傾聽深乃撲槽而詬曰某曾爲中朝宰相供奉今  
日與健兒彈而不蒙我聽何其苦哉於時議者亦歎訝  
之喪亂以來冠履顛倒不幸之事何可勝道豈獨賤伶  
云乎哉鑑戒錄昭宗之代岐王茂貞本姓朱昭宗賜  
姓號曰西府太子華州韓建州王行瑜等始爲亂階  
焚焚宮闈動搖四海斬刈百官是時駕幸三峯拋離九  
廟諸侯悉罷職貢各養強兵天復初車駕走幸石門絕  
糧數日左街沙門懷寶進蕎麥燒餅奉宜賜紫宮人楊  
舞頭進哀淚手帕子奉宜加楚國夫人二年岐州天雨  
蕎麥人收食之悉遭疫癘是歲雷劈牛馬頻擾宮城拔  
出街西古槐揭下殿東鴟吻故昭宗御製詩曰祇解劈  
牛與劈樹不能誅惡復誅兇三年梁太祖將迎大駕之  
前岐山二菩薩身中自然有箭老聃廟土神移步神馬  
夜嘶後昭宗有困守岐陽迫遷東洛之兆也初拾遺張

道古貢五危三亂表黜居於蜀後聞駕走西岐又遷東洛皆契五危之事悉歸三亂之源因吟一章上蜀王八丈詩曰封章才達冕旒前黜詔俄離玉座端三亂豈由明主用五危終被佞臣彈西巡鳳府非爲固東播鑾輿卒未安諫疏至今如可是時晉王李克用岐王李茂貞在誰能更與讀來看

楚王趙匡凝蜀王王建吳王楊行密

曾三異校定曰三異案克用本紀及

茂貞傳建行密世家皆書其在唐所授獨匡凝不書其在唐此乃缺文

聞梁遷天子洛陽

皆欲舉兵討梁王大懼六月楊崇本復附于岐王乃以

兵如河中聲言攻崇本遣朱友恭氏叔琮蔣元暉等行

弒昭宗崩

五代史乙亥至大梁六月帝遣都將朱友裕率師討邠州節度使楊崇本叛故也癸丑帝

西征進朝于洛陽七月甲子昭宗宴帝于文思鞠場乙丑帝發東都壬申至河中八月壬寅昭宗遇弒于大內

唐會要天祐元年七月中書門下奏西都舊有凌烟閣畫國初功臣今遷都東京乞委營造一閣圖寫梁王



全忠勅旨令於皇城內擇地營造仍賜名天祐旌功之  
名乃是虛器如在籠檻鬱鬱不樂朱全忠以諸侯盡有  
匡復之志慮帝有奔幸之謀時護駕朱友諒等聚兵殿  
庭訴以衣食不足帝方勞諭友諒引兵升殿帝顛仆入  
內軍士躡而追之帝叱曰反耶友諒曰臣非敢無禮奉  
元帥之令帝奔入御厨以庖人之刀斬數輩竟為亂兵  
所害內人李漸榮裴正一聞弑帝投刃而死又以朱友  
諒氏叔琮扇動軍情請誅朱友諒氏叔琮以成濟之罪  
歸之友諒等臨刑訴天曰天若有知他日亦當如我後  
全忠即位為子友珪所弑竟如其言鐵圍山叢談雒  
陽大內興立自隋唐五代至聖朝藝祖嘗欲都之開寶  
末幸焉而宮中多見怪且適霖雨徒零祀謝見上帝而  
歸矣是後至宣和又為年百五十久虛曠蓋自金鑾殿  
後雖白晝人罕敢入入亦多有異蘊或大於斗蛇率為  
巨蟒日夜絲竹歡笑之聲不絕也宣和末有監官吳本  
者武人恃氣不具事夏月因納涼於殿廡間至晡時後  
天尚未昏黑而從者堅請歸舍不聽俄忽聞蹕聲自內  
而出即有衛從續紛執紅銷金籠燭者數十對成行羅  
列中一衣黃人如帝王狀胸間尚帶鮮血擁從甚衆徐

徐行繇殿廡從本寓舍前過本與其從者急趨入戶避  
之得詳瞰焉最後有一衛士似怒以納涼故妨其行從  
也乃以手兩指按其臥榻之四足遂穿磚而陷于地頃  
刻轉他殿而去遂忽不見本大駭自是不敢宿止其中  
矣因圖畫所見徧以示人雒陽士大夫多能傳之曰此  
必唐昭宗也吾頃嘗聞是事第流落不偶久而忘七八  
矣偶流寓者趙令子與來猶能道其畧因著於編 癸  
辛雜識別集洛陽椒蘭殿故基之前傳是朱溫弑昭宗  
處尋丈間生草俱赤色 十月王朝于京師殺朱友恭氏  
謂因冤血所染而然也 叔琮五代史遺制以輝王祝爲嗣乙巳帝自河中引軍  
叔琮而西癸丑次于永壽邠軍不出九月辛未班師十  
月癸巳至洛陽詣西內臨于梓宮前祗 十一月攻淮南  
見于嗣君辛丑制以閔帝至自西征  
取其光州攻壽州不克而旋 五代史十一月辛酉光州  
于帝尋爲淮人所攻故來乞師戊寅帝南征渡淮 二年  
次于霍邱大掠廬壽之境淮人乃棄光州而去  
五代史二年正月庚申進攻壽州壽 二月遣蔣元暉殺  
人堅壁不出丁亥帝自霍邱班師

德王裕等九王于九曲池六月殺司空裴贇等百餘人

五代史二月辛卯帝至自南征甲午青州節度使王師範至大梁帝待以賓禮尋表授河陽節度使北夢瑣言輝王卽位天祐中朱全忠以舊朝達官尚在班列將謀篡奪先俾翦除凡在周行次第貶降舊相裴樞獨孤損崔遠陸展王溥大夫趙崇王贊等於滑州白馬驛賜自盡時宰相臣柳燦性陰狡貪權惡樞等在已之上與全忠腹心樞密使蔣元暉太常卿張廷範密友交結而害樞等俄而廷範輟裂元暉與柳燦及弟瑤瑒相繼伏誅先是故相張濬一家並害而棄屍黃河朱公謀主李振累應進士舉不第尤憤朝貴時謂朱全忠曰此清流輩宜投於黃河水爲濁流全忠笑而從之朱榮河陰之戮衣冠不是過也俄而輝王禪位封濟陰王於曹州遇酖而崩唐七月天子復使來賜王迎鑾紀功碑王欲祚自此滅矣

代唐使人諭諸鎮襄州趙匡凝以爲不可遣楊師厚攻之取其唐鄧復郢隨均房七州王如襄州軍于漢北九

月師厚破襄州匡凝奔于淮南師厚取荆南荆南留後

趙匡明奔于蜀遂出光州以攻壽州不克五代史七月

帝迎鑾紀功碑樹于洛陽庚午遣大將軍楊師厚率前

軍討趙匡凝于襄州辛未帝南征表趙匡凝罪狀削奪

官爵八月楊師厚進收唐鄧復郢隨均房等七州帝駐

軍漢江江北自循江于經度濟師之所九月甲子師厚于

陰谷江口造梁以濟師趙匡凝率兵二萬振于江濱師

厚麾兵進擊襄人大敗殺萬餘衆乙丑趙匡凝焚其舟

率親軍載輕舸沿漢而遁丙寅帝濟江至中流舟壞將

沒者數四比及岸舟沉是日入襄城帝因周視府署其

帑藏悉空惟于西廡下有一亭窗戶儼然扃鎖甚密遂

令破鎖政扉中有一大匱緘鏽甚至又令破其匱內有

金銀數百錠帝因歎曰亂兵既入公私財貨固無孑遺

矣此帑當有陰物主之不令常人所得俟我以有之耶

遂以百餘錠賜楊師厚襲荊州留後趙匡明棄城上峽

奔蜀荆襄二州平帝以都將賀瓌權領荊州楊師厚權

領襄州卽表其事十月丙戌朔天子以帝爲諸道兵馬

元帥辛卯帝自襄州引軍出光州路趨淮南將發敬翔

切諫請班師以全軍勢帝不聽壬辰次于棗陽遇大雨  
頗阻師行之勢軍至壽春壽春人堅壁清野以待帝帝  
乃還舍于正陽十一月丙辰大軍北濟帝至汝天子卜  
陰深悔淮南之行躁煩尤甚丁卯帝至自南征天子卜  
祀天于南郊王怒以爲蔣元暉等欲祈天以延唐天子  
懼改卜郊十一月辛巳天子封王爲魏王相國總百揆  
以宣武宣義天平護國天雄武順佑國河陽義武昭義  
武寧保義忠義武昭武定泰寧平盧匡國鎮國荆南忠  
武二十一軍爲魏國備九錫王怒不受五代會要天祐  
二年十一月加  
相國總百揆改  
封魏王備九錫十二月天子以王爲天下兵馬元帥王  
益怒遣人告樞密使蔣元暉與何太后私通殺元暉而  
焚之遂弑太后于積善宮又殺宰相柳燦太常卿張延

範車裂以徇天子下詔以太后故停郊

五代史辛巳天子命帝為相國

總百揆以宣武宣義

天平護國天雄武順佑國河陽義

武昭義保義武昭武

定泰寧平盧匡國武寧忠義荆南

等二十一一道為魏國

進封帝為魏王入朝不趨劔履上

殿贊拜不名兼備九

錫之命癸未唐中書門下奏中書

印已送相國中書公

事權用中書省印甲申中書門下

奏天下州縣名與相

國魏王家諱同者請易之十二月

乙酉朔帝讓相國魏

王九錫之命丙戌京百司各差官

齋本司須知孔目並

印赴魏國送納甲午天子以帝堅

讓九錫之命乃命宰

相柳燦來使且述揖讓之意焉丁

酉帝又讓九錫之命

詔畧曰但以鴻名難掩懿實須彰

宜且徇于奏陳未便

行于典冊又改諸道兵馬元帥為

天下兵馬元帥是時

帝以唐朝百官服節多闕乃製造

逐色衣服請朝廷等

第賜之其所給俸錢仍請自來年

正月全支北夢瑱

言朱全忠以蔣元暉為樞密使俟

帝動靜積慶何太后

以昭宗見害之後嘗恐不保旦夕

曾使宮人阿秋面召

元暉屬戒所乞宅日傳禪之後保

全子母性命言發無

不涕零先是全忠速要傳禪召元

暉到汴州責以太遲

元暉以傳禪先須封國授九錫之

命侯次第行之全忠愍曰我不要九錫看作天子否元暉歸奔洛陽與宰相商量為趙殷衡誣語云與太后交通欲延唐祚乃令殷衡逼殺太后及宮人而誅蔣元暉時人冤之趙殷衡後改姓孔名循亦莫知其實是何姓仕後唐明宗為宣徽使出為許昌滄州三年春魏州羅兩鎮時人知其狡譎傾險莫不憚之

紹威謀殺其牙軍來假兵以虞變王為發兵北攻劉仁恭之滄州兵過魏而紹威已殺牙軍其兵之在外者果

皆叛據貝衛澶博州王以兵悉殺之

五代史三年正月幽滄稱兵將寇于

魏魏人來乞師且以牙軍驕悍謀欲誅之遣親吏臧延範密告于帝帝陰許之乙丑北征先是帝之愛女適羅氏是月卒于鄴城因以兵仗數千事實于橐中遣客將馬嗣勳領長直軍千人雜以工匠丁夫肩其橐而入于魏聲言為帝女設祭魏人信而不疑庚午夜嗣勳率其眾與羅紹威親軍數百人同攻牙軍遲明盡殺之死者七千餘人泊于嬰孺亦無留者是月帝次于內黃聞之馳騎至魏時魏之大軍方與帝軍同代滄州聞牙軍之

死卽時奔還帝之軍追及歷亭殺賊幾千餘衆乃擁大將史仁遇保于高唐帝遣兵圍之是月天子詔河南尹張全義部署脩制相國魏王法物三月甲寅天子命帝總判鹽鐵度支戶部等三司事帝再上章切讓之乃止四月癸未攻下高唐軍民無少長皆殺之生擒逆首史仁遇以獻帝命支解之未幾又攻下澶博貝衛等州皆爲魏軍殘黨所據故也是時晉人圍邢州刺史牛存節堅壁固守帝遣符道昭帥師救之晉人乃遁去五月帝畧地于洺州旣而復入于魏七月己未自魏班師是日收復相州自是魏境悉平壬申帝歸自魏

遂攻滄州軍于長蘆劉仁恭求救于晉晉人取潞州王乃旋

軍五代史八月甲辰以滄州未平復命北征九月丁卯營于長蘆一夕帝夢白龍附于兩肩左右瞻顧可畏

悅然驚寤十月辛巳邠州陽崇本以鳳翔邠寧涇鄜秦隴之衆合五六萬來寇屯于美原列十五寨其勢甚盛帝命同州節度使劉知俊都將康懷英帥師禦之知俊等大破邠寇殺二萬餘衆奪馬三千餘匹擒其列校百餘人楊崇本胡章僅以身免十一月庚戌懷英乘勝進軍遂收鄜州十二月乙丑帝以文武常參官每月一五



九日起朝奏請備廊食詔從之遂自長蘆班師以寨內  
糗糧山積帝命焚之滄帥劉守文以城中絕食因致書  
于帝乞留餘糧以救飢民帝爲留十餘囤以與之北  
夢瑣言丁會爲昭義節帥常懼梁祖雄猜疑忌功臣祖  
忽謂敬翔曰吾夢丁會在前祇候吾將乘馬欲出圍人  
以馬就臺忽爲丁會跨之以出時夢中怒叱喝數聲因  
驚覺甚惡之是月丁會舉潞州軍民歸河東矣容齋  
續筆劉仁恭爲盧龍節度使其子守文守滄州朱全忠  
引兵攻之城中食盡使人說以早降守文應之曰僕於  
幽州父子也梁王方以大義服天下若子叛父而來將  
安用之全忠愧其辭直爲之緩攻其後還師悉焚諸營  
資糧在舟中罄而沉之守文遣全忠書曰城中數萬口  
不食數月矣與其焚之爲烟沉之爲泥願乞其所餘以  
救之全忠爲之留數囤滄人賴以濟及篡唐之後蘇循  
及其子楷以爲有功於梁當不次擢用全忠薄其爲人  
以其爲唐鴟梟賣國求利勒循致仕斥楷歸田里宋州  
節度使進瑞麥省之不懌曰宋州今年水灾百姓不足  
何用此爲遣中使詰責之縣令除名此三事在他人爲  
不足道於全忠則可書矣所謂憎而知其善也

五代史記卷第一